



KUNTRIKA WAUHKATAYA TARA





Nicaragua KuntriKa Wauhkataya

KUNTRIKA WAUHKATAYA TARA

Wauhkataya tara Nicaragua kunrika wina ulban ka daknika bara witin tilara lâ nani karnika yaban ba dingkan. “Kli raya daukaia lâka nani paski mangkan ra. Liksan kusua kati 25 ra ba daukia dukiara, mani 1990” ra. Lâ N° 192 lâ kli raya daukaia piska kum Nicaragua kuntri ka lukanka bapan wauhkataya “Lâ N° 330 “Lâ piska kum kli raya daukaia Nicaragua kuntri ka wauhkataya tara ra “Lâ N° 490 Lâ kum ulbanka lal 138 piska kum raya daukiba. Baiki sakanka 12 paski daukan ba, lâ N° 520 “Lâ piska kum raya daukan lukanka bapanka ra, lâ N° 521“Lâ piska kum raya dakan ulbanka lal 140 lukanka bapan Nicaragua kuntri ka ra “bara Lâ N° 527 “Lâ piska kum pas-kan lukanka bapanka ra”.

Kuntri Presidentka ba

Nicaragua tawanka ra yaban kakaira takbia kuntri aslika ba tawan ra makabi walan, aisi kaikan bara karnika yaban:

KUNTRIKA WAUHKATAYA TARA

Ta krikanka

YAWAN, taura aimaki ba Nicaragua tawanka nani dukiara, kuntri asla tankan bapanka ra.

Lukankara brisa

Indian wan almuka nani aiklabanka.

Miriki tabaya lilah, asla spiritka bara patitara wan tawanka aiklabanka, General Jose Dolores Estrada lukanka bri, Andres Castro, bara Emmanuel Mongalo, waihla saura nani ra aiklabi pura luan bara mariki nani Nicaragua ra bal diman ra sin pura luan kuntri war aiklban ra.

Benjamín Zeledón sauhkanka bri bali nani mapara buan kupia krawanka ra.

Waitna pri nani Generalka, Augusto C. Sandino Aisukanka aisika upla sut bui kakaira bara sasauhkra nani mapara buan.

Rigoberto Lopez Perez pura luanka tara kum daukan, tataibra yaka tnata alkaia ta krian.

Carlos Fonseca samplika, Sandino pahnika brih taura impakan kau tara kulki ba, Frente Sandinista de liberación nacional paski ta brin bara Aisukanka ta uplika.

Pura lalura nani pyu sut ra bara kuntri dukiara ai rayaka tikan nani bara dauki banghwan aiklabanka kuntri pri daukaia dukiara.

Nicaragua tawanka nani ninara; dakni pulitik daknika nani sut dukiara bara democracia asla takanka nani sut, kuntri luhpia nani, Nicaragua aiklaklabra nani, waitnika nani, bara mairin nani, wark tatakra nani, bara insla dadaukra nani, ai yaptika nani wahma/ tiara karna pura luanka, kristian nani Dawan ra kasakka lukanka wina, bara pramis taki banghwan bara tilara dingkan taiban lâka munhtara iwi nanira pri daukaia, sinska bri kuntri tâwan aisi nani, bara baha nani sut ai warkka wina mâ saki nani kuntri kaina sunaia ra ta baiki nani.

Baha nani aiklabi ba bara sin ai rayaka yabi nani tataibra nani m-para, rayaka raya aula nanira lilia laka yabaia dukiara.

Aisukanka pura luanka nani ba lâ wina wapni dauki briaia bara iwanka raya kum paskaia taibanka lâka nani tikaia, bara lalah tanira kulkanka kumi bri kaia, pulitik ra, bara iwanka ra Nicaragua luhpia nani sut bara upla raitka ba aiska ra kulkanka yabaia.

Kuntri dukiara, aisukanka dukiara, asla kuntri aslika dukiara bara laman dukiara.

Lâ nani yawan param naha marikisa

NICARAGUA KUNTRIKA WAUHKATAYA TARA

Lalka tara ba I

Klauna bapanka aihwa nani

Dakbanka kumiman

Baikanka 1. Upla wala munhtara apia, klauna kuntri taura aimaki sa, bara klauna ai kuntri lâka bapi auya. Baha raitka nani ba tawan wina sip swiras, bara Nicaragua kuntri ka playa bapanka sa. Lata tani wina Nicaragua bisniska tila dimi nani apia kaka wala nani wan raitka ra sauhkaia luki nani tawan rayaka ra sauhki nani. Nicaragua luhpia nani sut warkka sa alki briaia bara kaina sunaia naha raitka nani.

Baikanka 2. Klauna kuntri taura aimaki ba tawan ra iwisa bara dia dauki nani ba democracia wapnika nani wal, pri tanka ra alki dauki bara pri tankara tila dimi paskanka dauki auya bara, lalah tanka ba kau wapni daukaia, pulitik ba, bara kuntri iwanka ba. Pulitik karnika ba tawan yus munisa ai taura aimaki nani bakku pri lâkara wahbi sakanka tasba aiskara kulkanka baku, si baku, wina kat, bara yukukan ra bahara upla kumi sin sip upla asla takanka kabia baha sip pura luanka daukras naha karnika aimaki, bahki kulki bara taibanka dauki nani sut mapara.

Baikanka 3. Laman lâka dukiara aiklabanka bara sin tasba aiska wina tanka yamni kum bapaia kau kasak, pramis kum baku bara Nicaragua kuntri ka wina sip tnayara tauras. Baha mita yawan mapara buisa, taibanka laka sut dukiara, bara kaina praki bri nani mapara bara yawan tawan wala nanira taibanka bara bahki kulki muni nani sut ra ta baikisa.

Baikanka 4. Kuntri ba taura barih wabia bara yamni kasak daukbia iwanka satka nani dukiara ba aikuki yamnika ba yaka aimakaia, taura barih waya warkka briaia Nicaragua uplika nani kumi bani pawanka dukiara, kaina suni taibanka muni sut mapara tnayara laki bahki kulki nani sut ra.

Baikanka 5. Baha nani ba Nicaragua kuntri ka lukanka, pri lakara, lâ brin kaia, upla sut ra kulkanka yabaia, lukanka ailal bara nanira, iwankara, bara kiamka nani, kulkanka yabaia pahni nani satka sut ra, lata tani aikuki pri lakara ta baikaia bara kulkanka yabaia kuntri bani klauna ai wapanka bri nanira.

Lukanka sat ailal ba bui yabisa asla takanka sut tila dimaia lalah tanira, bara iwanka nani naha kuntri ka ra lukanka satka kumira kaina dakbras, sakuna baha nani taibanka laka mangkaia muni nani apia kaka tawan karnika mapara nanira lika.

Kuntri ba kulkanka yabisa india tawanka nani bara ba, raitka nani yamnika brisa, tanka kat yamni daukaia bara yabisa sin kuntri wauhkataya tara ra ulban sa, kau pali ba alki bri waya witin ya ba bara ai tnatka, klauna ai asla takanka bri kaia, bara klauna ai dukia

nani wakaia, baku sin tawan sirpi nani tasba prapatika briba ban bri kaia, bara yamnika briaia baha nani wina, li ra dia wiba baku. Atlantik kus tawanka nani dukiara bapansa klauna iwanka naha kuntri wauhkataya tara ra.

Prapati satka nani sut: Param ra, klauna ra, asla takan ra, pana pana ra, bara tawan aikuki baha nani ba sin yaka aimakaia bara saura bahki kulkras tatukbia, yuyaka sakaia dukiara, baha nani sut ba pri lakara daki waya iwanka warkka dauki kaiasa.

Nicaragua ai playa bapisa kunri wala lata tanira nani aikuki aitanka bri kaia ba, pana lakara bara ta baikanka tanka tawan nani sut aikuki bara pana laka kuntri nani aikuki. Baha mita saura kulki sa bara mapara sa lukanka ra saura munaia laka mapara, militar, lalah tanira, tnatka bara ai kasakka lukanka ra, bara kuntri bila-ra taibanka laka wala nani wina bal dimi mapara. Kulkanka brisa blahwanka nani kuntri wala aikuki bri ba laman lakara wapni daukaia, tasba aiska bui raitka yabi ba wal bara Kangbi sakaia kuntri bila wina tasba sauhkaia dukia satka nani paski ba, bara sauhkanka satka wala nani klauna kuntri blahwanka tilara dimi nani apia kaka lata tanira, bara kuntri ta yabisa baha nani ai kuntri ka ra lukanka dukiara nani bliki uplika ra, bara sin mapara sa kuntri wala bui kuntri kum ra taibanka laka mangki ba.

Nicaragua ba brisa america aiskara upla raitka yabi ba, kulkanka yabi bara sain munan klauna lukanka kat.

Nicaragua taura aimakisa kuntri nani tila dimanka sut tilara miriki tasbaya lilah tara kumira paskaia dukiara.

Lalka tara ba II Kuntri dukiara

Dakbanka kum man

Baikanka 6. Nicaragua ba kuntri kum upla wala munhtara apia, pri bara klauna, asla bara sip baiki sakras.

Baikanka 7. Nicaragua baman kuntri kum democracia brisa, tila dimisa, bara taura aimakisa. Kabamint watlika nani: Lâ daukaia karnika, Alki daukaia karnika, Lâ karnika, bara Liksan karnika.

Baikanka 8. Nicaragua tawanka ba kiamka ailal daukanka sa, bara miriki tasbayalilah piska aiska sa.

Baikanka 9. Nicaragua ba kasak kaina sunisa miriki tabaika lilah aslika dukiara, ta baikisa bara taura brih auya karna munanka yaka tila dimaia lukanka bara lalah tanira bara pana ta baikiaia lâka America Central ra, baku sin karna munisa laman lâka yaka naha tanira aimakaia.

Nicaragua bila kaikisa ispail amerika bara lalma kabuka tawanka nani aslika Bolívar bara Sandino wal lukanka nanira.

Baku ba mita, tila dimisa Centroamérica kuntri wala nani aiku-ki bara Latinoamérica nani liksan paskanka daknika nani baha warkka nani dukiara.

Naha lukanka bri na lâ bui alki daukbia bara triti kumi bani ba

Baikanka 10. Kuntri tasbaya ba naku brisa, lalma kabuka wina kabu Pacific kat, bara kuntri nani Honduras bara Costa Rica. Klawana tawan bri dakni bakku dauki ba karnika bri ba wal, bara Nicaragua raitka nani, ban auya tasba ma dakra nani, ki wala nani bara Aúhya paswan lamara nani, baku sin lí nani bilara ba, kau kuntri dukia bri ba, prapati baku ani kat ba, lalah sakaia tasbaya piska nani, para wan pasa pura tanira bri ba, Lâ nani dia wiba baku bara tasba aiskara raitka ba wal.

Nicaragua kunrika ba kulkanka yabisa tasba aiskara dia alki daukaia dukia nani ba ai tasbaya dukiara, bara pri lakara yaban kaka bara sin kuntri wauhkataya tara ra dia wiba wal auya kaka bara sin tasba aiska lâ nani wal kaka. Baku ba mita triti nani tasba wala dauki baha tilara Nicaragua tila dimras kan kaka.

Baikanka 11. Ispail bila kuntri bila aihwa kulki sa. Atlantik Kusra tawanka nani ra twisa satka nani ba yus munan kabia aisanka aihwa kabia lâ bui baku mangkan bara.

Biakanka 12. Manawa tawanka ba kuntri lâra aimaki tawanka bara kabamint karnika nani pûtka. Ban kra dia kum takbia kaka naha na sip kabia kuntri bilara tasba walara pliki mangkaia.

Baikanka 13. Kuntri sainka nani ba: Kuntri lawana, Plâkin, escudo, lâ bui mangkan aitanka nani bara yus munanka.

Baikanka 14. Kuntri ba lalukra paskanka aihwa pali apu.

Lalka tara ba III

Nicaragua Nisanka nani ba

Dakbanka kumi man

Baikanka 15. Nicaragua luhpia nani ba Nisan apia kaka Nisanka.

Baikanka 16. Nisan nani sa:

- 1) Kuntri tasbaia bilara aisuban nani. Baha tilara upla tringsar nani ai kabamint ka watlikara luhpia nani lika apia sa, tringsar nani wark taki nani bara asla takanka warkka dauki nani, apia kaka ai gabament ka bani bui blikan Nicaragua ra wark daukaia, sakuna witin ani Nicaragua luhpia takaia brinka kaka lika.
- 2) Nicaragua aisika apia kaka yaptika luhpia nani.
- 3) Kuntri walara aisuban nani aisika apia kaka yaptika Nicaragua luhpia kan kaka, ani pyura makabia kaka ai manka aitani alkan pyura apia kaka pri tankara sa kaka
- 4) Tuktan sirpi nani Nicaragua kuntri tasbaya ra sakan nani, pãtka apu ra tilara dingkan kabia, dia bal takbia kaka baha wina
- 5) Luhpa nani aisika tringsar nani plin pali bilara aisubia kaka, bara Nicaragua bũtka nani bilara sip witin nani makabia kaka.

Baikanka 17. Miriki tasbaya lilah luhpia aihwa nani ba sipsa Nicaragua luhpia takaia, nitka apu sa ai kuntri lulki swiaia, bara sipsa ta uplika nani makabia Nicaragua ra iwi pyuara.

Biakanka 18. Kuntri asla prawi aisanka ba sip kabia upla tringsar Nicaragua yamnika dukiara dauki pura luan ba kuntri luhpia kulkaia.

Biakanka 19. Tringsar nani ba sipsa Nicaragua luhpia takaia kainara ai kuntri ka luhpia kaia tanka ba swin kaka, ta uplika nani makabanka bakku, dia lâ mangkan ba sut daukan kaka bara dia wala nani win ba. Kaina manas ai kuntrika luhpia baku swin kaka, bara dia laka mangkan ba aimaki kaka bara lâ bui dia win ba kat.

Baikanka 20. Kuntri luhpia kumira sip kaina dakbi munras. Nicaragua luhpia nahki ba kuntri wala luhpia takbia sin baha kuntri luhpia ban sa.

Baikanka 21. Brin kabia tikan kabia a kuntri luhpia baku kli brin kaka kuntri laka bui winan kabia.

Baikanka 22 Upla nani kuntri wal bri tanka kaka triti nani lâka mangkan ba wal daukia bara pana pana lukanka wal sin.

Lalka tara ba IV

Nicaragua tawank raitka nani alki daukaia bri ba.

Dakbanka I

Klauna bani raitka nani

Baikanka 23. Rayaka bri kaya raitka ba sip sauhki tikras kana baha ba ban bara sa uplara ra. Nicaragua ra upla ra ikaia lâka apu.

Baikanka 24. Upla bani ba alki daukaia laka brisa ai taika nani wal, tawan wal, kuntri wal bara upla aiska wal.

Upla kumi bani raitka nani ba upla wala nani raitka wal mangkan sa, upla sut raya kara pât apu lâka upla sut kasak tanka mita upla sut dukiara.

Baikanka 25. Upla nani sut ba ai raitka brisa:

- 1) Klauna ra pri ka laka.
- 2) Rayaka ra yamni pât apu iwaia.
- 3) Upla baku kulkanka bara bara lâ wal wapaia sip ka.

Baikanka 26. Upla nani sut ba ai raitka brisa:

- 1) Klauna ai rayaka ra iwaia bara ai taika nani sin.
- 2) Ai watlara turbanka bri balras laka, ai dukia nani bara ai walka aikuki aisanka satka sut ra.
- 3) Witin ra kulkanka yabaia bara ai wapanka ra sin.

- 4) Witin dukiara dia dahra nani ta uplika kuntri taura nani sakan sut ba kakaira kaia sa, kan raitka brisa, dia dukiara bara baha dahra nani ba dia tanka ba.

Upla watlara turbaia ba sipso wihta karnika briba ulbanka kum yaban kaka lika diara kumi baman:

- a) Watlara dimi uplika nani ba bui dahra kuahkbia pât kum kra taki kaka dukiara ra, apia kaka ta baikanka makabia kaka.
- b) Pauta aman, lisamra tara, apia kaka diara wala talika baku kaka upla rayaka ra pât munaia apia kaka pahni kam nanira.
- c) Ani pyua upla tringsar nani utla lamara taukisa wi kaka, ban kra diara saura daukia uplika talia kaka.
- d) Ban kra nina Blikanka naiwa dauki kaka saura dadaukra nani lamara kaka.
- e) Upla nanira taibi muni barih wan ba suaki sakaia.

Diara nani sut daukaia ba lâ wal wapaia sa.

Lâ bui nahki daukia ba kahbisa, wauhkataya Klauna ulbanka nani laki kaikan ninkara ulbanka wala nani bara bri ba, bara ta mangkanka wala nani, ani pyua ra nitka sa kaka tanka ba laki kaikaia param daukaia dukiara, lâ uplika nanira dingkaia apia kaka sin la-lah tani dukia ra sin.

Wauhtaya nani, ulban wauhkaya kum bara klauna ulbanka wala nani yukuan ra sakan nani lâ apia tankara, baha wina diara kum sin takras lâ ra apia latara kabia.

Bailkanka 27. Lâ mapara upla nani sut ba sin kulkanka brisa bara sim raitka brisa kaina sunanka ra. Bahki saura kulkanka apu kabia, aisubanka dukiara, ai kuntrika dukiara, ai lukanka dukiara, kiamka, ai bila, ai kasakka lukanka, ai lukanka, ani wina aula ba, lalah tanira apia kaka iwanka dukiara.

Upla tringsar nani sin sim raitka brisa, sin dia nani alki daukaia takan, bara Nicaragua luhpia nani raitka baku brisa, sakuna pulitik raitka lika apu, bara lâ bui dia kahbi baku, sip kuntri pulitik ka tila dimras.

Wihta nani asla takanka ba kulkanka yabia bara raitka nani aitani bri ba, naha kuntri wauhkataya tara ra dia ulban ba baku, baha uplika nani kuntri bilara nani, naha tasbaia lâka munhtara nani.

Baikanka 28. Nicaragua luhpia kuntri walara banghwi nani, sin yamnika brisa bara kaina sunanka kuntri bui baha nani sut ba yaban aimakisa ai watlika mangkan nani bakku.

Baikanka 29. Upla bani ba ai klauna pri lukaia raitka brisa, ai lukanka nani bara ani religion ka ra tniwi kaka raitka brisa apia kaka sin. Upla kumi sin sip apia sa taibanka ra brih waya, bara baha raitka nani tikaia, bara sin sip taibi munras ai lukanka dahra aisaia, ai tniwanka, apia ai kasakka lukanka baku.

Baikanka 30. Nicaragua luhpia nani dia aisaia pri ka laka brisa, ai lukanka, param ra apia yukuanra, klauna apia aikuki, ai bila ai-sanka wal apia kaka ulbi sakan, tani walak ku.

Baikanka 31. Nicaragua luhpia nani ba raitka brisa pri taukaia, bara ai iwaika briaia ani kuntri bila tanira yamni kaikbia kaka; dimi balaia bara taki waya, kuntri wina prisa.

Baikanka 32. Upla kumi sin sip lâ wiras dukia alki daukaia, bara si kaina dakbras lâ bui apia win dukia nani.

Baikanka 33. Upla kumi ra si alki silak ra brih waras taibanka laka wal, bara si prika laka sip dakbras, ban lâ bui dia tanka kat dauki win kaka lika, baha mita:

1) Upla kumra silak ra brih waya ba ani pyua wihta bui adarka wauhkataya yaban kaka lika apia kaka ta uplika nani karnika bri nani bui, lâ bui karnika yaban nani, lâ pura luan nani ra.

2) Upla silak ra alkan bani ai raitka brisa:

2.1) Aihni takaskras maisa pakaia, klauna ani bila aisi kaka apia kaka ani twisa aisi kaka, bara tanka param, dia muni alki brih wan bara dia dukiara dahra sakisa, pulis bui bara kaka bara witin bui taika nani ra maisa pâkbia apia Yaura wiaia kaka; bara sin kulkanka yabi kabia upla raitka ra kulki baku.

2.2) Pri laka yaban pyuara apia kaka ta uplika karnika bri bui adarka yaban kaka, 48 awarka bilara kau silak ra mangkras kan pyua wina.

- 3) Ani kat lâ mangkan ba tnata alkan kaka, sip kau silak ra kau briras prika laka ta uplika karnika bri bui ulbi dingkan wina ninkara
- 4) Upla ra alki silak ra brih wi ba lâ apia kulkan sa upla civil lâka bui ya alkan uplika ra silak mangkaia sipsa.
- 5) Asla takanka nani baha kaiki ba trai munbia upla silak ra nani ba silak watla sat sat mangkbia.

Baikanka 34. Lâ bui upla alkan bani kulkanka yabia naha raitka yamnika nani sirpi kabia sin:

- 1) Patkas wisi aimayunbia lâ bui kau dia daukan ka param sakras bara.
- 2) Lâ ka daukaia takaskras kira lâ uplika karnika bri nani bui bara si dia kahban ba lâ bui. Lâ uplika klauna ai karnika wal baman sip daukras, Sip upla kum wihta karnika bri mihta ba dakbras, bara sin tnayara si brih waras.
- 3) Pât lâ ra brih wan kaka wahbi sakan uplika nani bui lâ bui dia kat ba win kaka, tanka pliki kaikaia lâka bapi sa.
- 4) Bara si yabia aisaia klauna aikaina sunaia dukiara, lâ ka bukutban pyua wina, bara pyua sin yabaia bara dia wal ai kaina sunaia dukia nani sin.
- 5) Kaina kakahbra wan kum mangkbia, kabamint bui ta krikas pyuara kaina kakahbra mangkras kan kaka, apia ban apu win

kaka, kau ulbi sakras bara kainara. Lâ mihtara uplika ba raitka brisa ai kaina kakahbra wal aisanka briaia pri lakara, sabi pali yukuan ra

- 6) Lâ mawanra raitka brisa bila lalakkra kum mangkan kaia uplika ba sip lâ ra dia bila yus muni walras kaka.
- 7) Sip taibi munras klauna ai dahra sakaia, Aimaya mapara apia kaka ai pánika wal bri ba pri lakara, apia kaka ai taika nani talia kumi bri nani, bara sin sip pâtkira baku ai dahra sakras.
- 8) Lâ purara kahbi kaka tanka lâ kat kabia, lâka daukanka pyua banira.
- 9) Kau lâ tara plikaia, ai pátka ba kau tanka pliki kaikaia, dia pátka bui lâ mawan ra brih wan kaka.
- 10) Sim pátka dukiara sip kli lâ dingras apia kaka pri laka yabaia lâ bakku.
- 11) Lâ mihtara sip alki daukras, bara sin aisaras kaia, pátka daukan pyuara, lâ bui baha ba saura kulkras kan kaka ba sin lâ purara kahbras, witin ra lâ bui sip tawan wina Kangbi sakras, pát kahbaia apia saura munaia.

Lâ daukaia ba paramra kaia sa. Matira twilki nani bara kaia sa, bara tawan uplika nani ra sip kaina dakbras sip sa Swira dukiara kulki baman upla bata kaia.

Lâ dingki uplika ba tilara brin kabia ta krikan wina pyua bani ra.

Baikanka 35. Kau tuktan nani ba sip lâ watlara brih waras bara sin sip tilara dingki brih taukras. Tuktan saura dadaukra nani ba sip silak watlara wapni dukaia bakura brih waras bara baha nani ba lâka sat wala daukan kabia asla takanka satka nani bara lâ tanka bri nani daukbia, bara tanka ba wapni daukbia.

Baikanka 36. Upla sut ba raitka brisa ai wina tara ra kulkanka yabia, sins kara bara wapanka ra. Uplika kumira sin sip wina tara ra rau sauhkanka daukras, taibi muni, saura munanka, daiwan ra baku, upla baku kulkanka yabras. Upla raitka tilara dingkisa bara lâ wina taiban kabia.

Baikanka 37. Upla purara lâ kahban ba kau pâtra lulkan ra lui waras. Lâ pura kli lâ wala mangkras tnayara apia kaka asla sut ra 30 mani waya sa kaka.

Baikanka 38. Lâ ba kli purara wala kahbras, sakuna uplika ba yamnika ra kaka lika.

Baikanka 39. Nicaragua ra lâ kahbanka ba uplara kulkanka brisa, bara bapanka aihwa pali briba uplika ba suaki saki iwanka yamni tilara dingakaia. Pawanka tnatka bakku taika asla lakara tukbi sa, wina tara yamnika, skul pawankara, tnatka bara mâ sakaia warkka ai mâna bri kaya silak uplika bani. Lâ ba kli smalkaia tanka kum sa.

Mairin nani silak ra nani ba watla sat walara kabia waitna ba sat wala bara sin trai munan kabia pura kaikanka nani ba sin mairin man kabia.

Baikanka 40. Upla kumi sin sip alba lakara briras. Alba laka ba bara upla ra atki ba satka sut, ra sip daukras.

Baikanka 41. Upla kumi sin tras tâwan silakra magkras. Naha lukanka na ba kat takaskras sa pramis dauki pura lui alki daukras ba, plun nani dakakaia baku ba. Upla bani pahpaiara sa Nicaragua luhpia ba apia kaka tringsar kabia plun tras diman ba aibapaia.

Baikanka 42. Nicaragua ra kulkanka brisa bara sin yabisa swak takaia bara yukuaia pliska. Swak takaia bara yukuaia pliska ba ya-bisa tawan karnika dukiara aiklabi, laman lâka, dukiara lâ dukiara, bara upla raitka dukiara aisan nina bliki nanira. Lâ bui bapisa uplika yukuan ka pliki ba pulitik dukiara, tasba aiskara dia aikuki sain munan tanka kat, Nicaragua sin sain munan. Upla kum kuntri bila wina kunri walara silak ra brih waya ba baku takbia kaka sip ani pliskara nina bliki ra blikras.

Baikanka 43. Nicaragua ra baha lâ apusa upla kuntri walara saki blikka waya pulitik dukiara nina bliki nanira apia kaka pât sat wala tanka mita, Nicaragua ba tanka pliki kaikan. Kuntri walara blikaia ba lâ bui mangkan sa bara sin tasba aiska triti ka wal sin. Nicaragua luhpia nani ba sip alki saki kuntri walara silakra blikras.

Baikanka 44. Nicaragua ra yamni kasak daukisa klauna prapati ba dukiara, yuyaka utla bilara yus muni nani, watla dimaika, bara mâ sakaia yabalka nani.

Klauna prapatika ba warkka ba iwanka dukiara ba mita, naha raitka na param yus munaia dukia kum sa apia kaka iwanka brinka

kum sa, kaina dakbanka bara alki daukia ba ani warkka daukia lâ nani bui wibia ba kat. Yuyaka bara watla yamnika dukiara luan ra aisan kata ba, taura ba sip sa lâ bui wibia kaka kaina dakbi briaia, sakuna taura dawanka ra mâna aibapan kaya.

Tasba tara bri plun mangkras nani ra mihta dakbaia ba, plun mâ sakaia dukiara, lâ bui wibia nahki daukaia ba, nahki yahpika bri ba, pyua mana aibapaia pyua nani, lal mana nani, kaiki aibapaia dia tiki ba wal praki.

Upla yuyaka mihta dakbaia ba sip apia sa. Kabamint uplika nani baha laka pura lubia kaka, klauna ai dukia nani wal aibapbia pyu banira uplara sauhkanka ba mita.

Baikanka 45. Upla nani ba kuntri wauhkataya tara raitka briba wina saura munan kaka apia kaka pât saura kum ra mihtara kahwaya sa kaka, sipsa kabia lâ plikaia apia kaka kaina sunanka, lâ ka nahki ba kaiki bara kaina sunaia dukia ra là dia wiba wal.

Baikanka 46. Kuntri bilara upla bani ba kuntri bui kaina sunanka yamnika yabisa, bara kulkanka sin upla ra kulkanka tara pali yabisa, kakaira yaka takaia, bara kaina sunanka upla raitka nanira. Bara si kasak lâ bara babara ulbi sakan ispail amerika ra waitna raitka bara aikuki sain munan tasba aiskara tawan uplika raitka, lalah tanira, iwanka, bara tnatka nani, bara tawan uplika raitka pulitik Kiamka ailal asla takanka daukan tasba aiskara sain munan, bara asla aiska aisi kaikanka America ra upla raitka dukiara america kuntrika nani asla takanka ra.

Lalka tara ba II

Pulitik raitka nani

Baikanka 47. Nicaragua luhpia kulkisa sa pat mani matawalsip pura matlalkahbi alkan nani Baha nani ba kuntri luhpia nani pulitik raitka nani brisa. Baha kuntri luhpia nani ba pulitik raitka brisa kuntri wauhkataya tara ra bara lâ ra sin pat mangkan sa, kaina dakbanka apu kira manka dukiara dia lâ bui wibia ba.

Upla raitka nani ba dakbi saki sa lâ saura kum dingkan pyuara, apia kaka lâ kum munhtara sa kaka, apia kaka lâ kum purara kahwaya sa, tawan uplika baku ra sa kaka

Baikanka 48. Nicaragua luhpia bani ba kulkanka kumira yabisa pulitik ai raitka yamnika briaia, alki daukaia ba ai raitka nani yaka aimakaia, bara witin alki daukia ba, kulkanka kumi kaya ba bara sa, waitna bara mairin ra.

Kuntri warkka sa mapara pât nani ba tikaia, Nicaragua ra aikuki kumi kaya laka mapara ba, bara witin sin tila diman kaya pulitik rayaka ra, lalah tanira, kuntri iwanka ra.

Baikanka 49. Nicaragua ra raitka bara sa wark uplika nani ba asla takanka paskaia tawan tara ra bara tawan sirpi nanira, mairin nani, tiara /wahma nani, insla dauki, daiwan sahwi nani, mihta warkka dauki nani, skul brin uplika nani, sinska laka bri nani, sinskira nani, sinska wina diara turbi paski nani, religian uplika nani, Atlantik Kus tawanka nani, bara tawan uplika nani aiska sut, saura bahki kulkraskira, ai lukanka nani alkbia dukiara, klauna ai lukanka kat, bara iwanka raya paskaia tila dimisa.

Naha asla takanka nani na tila dimaia wilin ka bri ba bara tawan bui upla wahbi sakan nani, iwanka warkka kum bribia, bara si sip sa pulitik wal waras kaya, witin dia baku dauki ba wal kaikisa.

Baikanka 50. Tawan uplika nani ba, raitka brisa tila dimaia, sim kulkanka kumira kuntri warkka nani ra, bara sin kuntri pliki dukia nani tilara. Lâ bui yamnika yabia, kuntri bilara, tawan kasak tila dimanka.

Baikanka 51. Tawan uplika nani ba raitka brisa pyu bani liksanka dauki banira ra wahbi sakaia, bara wark nani taura aimakaia. Baha tilara mapara prakanka kaka baman

Tawan uplika pahpaiara sa wark nani briaia, ai pramiska wal, bara wala nani ba alki bliki nani, lâ bui dia wiba baku kabia.

Baikanka 52. Tawan uplika nani ba raitka brisa makabaia, dahra kuaahaia diara saura nani bara, rangaia paskaia dukiara, yakan kabia daknira kabia, kuntri karnika nanira apia ya ta uplika kaia, bara aihni pali brinka ba yaka aimakbia, bara dia lukanka sakan ba, pyu lâ bui mangka bara maisa pâkbia.

Baikanka 53. Kulkanka raitka yabisa asla taki aisanka laman lakara, naha daukia dukiara ba adar plikaia apu sa.

Baikanka 54. Kuara tara asla takaia raitka ra kulkanka yabisa, aisanka nani, bara param ra taukaia, lâ bui dia wiba baku.

Baikanka 55. Nicaragua luhpia nani ba raitka brisa asla takaia apia kaka tilara dimaia pulitik daknika tilara, wark daukaia bara karnika briaia.

Lalka tara ba III

Aikuki iwanka nani raitka

Baikanka 56. Kuntri ba kasak pali laki kaikbia dia daukia ridi takan ka bri upla nani pâtka kum kra bui sip wark daukras nani ra bara taika nani war ra kahwan nani, war pâtka wina saura takan nani aiskara.

Baikanka 57. Nicaragua luhpia nani ba raitka brisa wark bri kaya witin dia sip ba kat.

Baikanka 58. Nicaragua luhpia nani ba skul dimaia bara tnatka bri kaya raitka brisa.

Baikanka 59. Nicaragua luhpia nani ba raitka brisa, kulkanka kumi ra, wina tara yamnika briaia. Kuntri ba kahban kabia, kakaira yaka takaia tanka, kaina sunanka, kli briaia bara kli aipaswaya.

Kuntri mihtara sa barih impakaia, bara asla daukaia dia daukaia ridi daukan nani, dukia daukanka, wina tara yamnika bara ta tuk-baia tila dimaia sut ba baha kaina sunaia. Tawan uplika nani ba, pahpaiara sa lâ nani ba alki daukaia sunu tanka nani bapan ba.

Baikanka 60. Nicaragua luhpia nani ba raitka brisa kaina kir sunukara iwaia. Kuntri alki daukaia ba alki bri kaya, apahkaia, bara kaina kir ba suaki sakaia, bara tasba yuyaka nani ba.

Baikanka 61. Kuntri ba bui yabia Nicaragua luhpia nanira iwanka yamnika raitka aiska kaina sunanka, rayaka iwanka pâtka nani tilara, bara wark dukiara, lâ bui dia wiba tanka kat.

Biakanka 62. Kuntri ba trai munbia upla nani sip wark daukras nani ra yamnika mangkaia, wina tara kli yamnika briaia, sinska lukanka, bara skul brin uplika baku bara wark mihtara mangkaia.

Baikanka 63. Nicaragua luhpia nani raitka brisa kaina sunanka bri kaia plun wahwan mapara. Kuntri ba sin dia daukaia luki ba taura brih wabia, baha wal plun ba aitani kat bri kaia, bara sin tanka kat baike sakan kabia.

Baikanka 64. Nicaragua luhpia nani ba raitka brisa utla aitani kat kum bri kaia, bara kaina sunan kira kaya, taika nana klauna iwanka bri kaya. Kuntri ba taura brih wabia naha raitka na yaka aimalkbia.

Baikanka 65. Nicaragua luhpia nani ba raitka brisa pûlanla nani bri kaya, skul wina tara nikbanka smalkanka lilia kum briaia dukiara, kuntri bui taura brih wabia pulanka nani bara wina nikbanka smalkanka, asla taki tila dimanka bakku tawan tila dimanka aiska wal, Nicaragua luhpia nani aiska paski daukaia dukiara. Naha na daukan kabia dia daukaia ridi daukan ba wal, bara wark satka nani wal.

Baikanka 66. Nicaragua luhpia nani ba raitka brisa matira kasak nani brin kaya. Naha raitka ba tilara brisa plikaia raitka, briaia bara

dahra nani, lukanka, aisanka ra kabia, ulbanka ra kabia, lilka wal kabia, apia kaka dia tnatka wal kabia.

Baikanka 67. Matira nani wikaya aikuki iwanka warkka kum sa, bara sin daukisa kulkanka tara wal, kuntri wauhkataya tara dia wi ba baku. Naha raitka sip nina sauhkanka briras, sakuna ya pahpaiara ba kaina manas wina lâ mangkan ba.

Baikanka 68. Matira kuakuhkra ai warkka dauki ba tilara yamni kabia kuntri pawanka dukiara aisan kabia.

Nicaragua luhpia nani ba matira nani aikuki iwanka warkka baku aisi ba wali kaia raitka brisa, bara sakanka ani pyua raitka ra bara yamnika ra saura taki kaka.

Kuntri ba pura kaikbia matira kuaikaia warkka dauki nani aikuki iwanka baku upla tnayara yamnika dukiara baman kabia api, apia kaka lalah baman dakni kum dukiara sin apia, lâ bui naha tanka na wapni daukbia.

Kuntri ra wauhtaya nani bara masin satka nani, bara wark daukaia dukia nani, matira kuaiki nani aikuki iwanka dukiara ulbi saki ba, radio nani bara televisión, baku sin brih ulbanka nani satka, skul ra yus munaia dukia nani, bara sinska tankara smalkaia, dahra raya yu banira saki nani bara, ulbi sakanka nani wala, witin nani ba ai lal mana aibapbia apia, lal mana aibapaia ba bui daukbia.

Matira kuakuhkra nani param ba bara asla takanka bri, bara kla-una ra sip pali lawi daukras, sip mihta dakbras dia saura daukan

baku kulki, diara wala nani ai wina bri ba dahra nani aisanka dauki dukia kumi sai sip baku daukras, baha nani ba lukanka nani yaka-baika ba mita.

Baikanka 69. Upla nani sut ba, yakan kabia apia kaka daknira kabia, raitka brisa ai lukanka nani dukiara aisaya klauna ra bara param ra, pura sunra smalkanka bakku apia kaka dia smalkanka dauki bakku.

Upla kumi sin sip lâ pura luras, bara si sip upla walara kaina dakbras ai raitka nani bri ba bara dia witin alki daukaia ba, ai tniwanka luki.

Dakbanka IV

Taika nani raitka

Baikanka 70. Taika ba playa bapanka pali aihwa sa aikuki iwanka tilara, bara raitka brisa kaina sunaia kuntri bui.

Baikanka 71. Nicaragua luhpia nani raitka sa taika kum paskaia. Baha wal taika pahnika ba yaban aimakisa, bara sip baha nani ba sip pân munras, dia kum wirhika wal waras, Lâ bui wapni daukbia bara baha raitka nani kaina sunbia.

Tuktan nani ba kaina sunanka aihka kum bribia raitka nani sut wal witin nani ai tankara nitsa, baha mita bansa naiwa yua ra,

tasba aiska aisanka daukan tuktan waitna bara mairin nani raitka dukiara.

Baikanka 72. Upla Marit taki wal bri ba ban kasak kaina sunanka brisa kuntri bui; baha ba bara sa waitna bara mairin wal wilin bara sipso wal dakbi sakaia wal aikupia laka kaka apia kaka maya kum baman luki sa kaka.

Baikanka 73. Taika nani wal ai laka tanka bri ba, kulkanka bri ba mita, ta baikanka bara pana sim kulkanka bri kaya, raitka aiska bara waitna bara mairin wal pahpaiara sa.

Aisa nani ba aiska utla alki bri taura impakan kabia, luha nani ra smalki paski daukaia, bakahnu ta baikanka wal, sim raitka brisa bara alki daukaia. Luha nani ba, sim baku aisa nani ra kulkaia bara ta baikaia. Naha alki daukaia bara raitka nani ba yaka aimakaia sa la wal wi ba baku.

Baikanka 74. Kuntri ba kaina kahbanka aihka yamni kum yabisa, kiamka sahwaya dukiara.

Mairin ba bribia kaina sunanka, aihka yamnikira, kuihra pyuara, bara ris briaia adarka bara aimana ban plapi kaia, bara dia wala nani sut, kankahbanka iwanka wal. Upla kumi sin mairin wark ya-bras wibia apia, kuihra bara kaina tila aisi, baku sin sip warkka wina kangbras pyua baila kau aisubras bara, lâ dia wiba baku.

Baikanka 75. Luha nani sut ba sim raitka brisa. Witin nanira yus munbia apia luha baku saura kulkanka wal. Lâ daukanka ra, Kan

bahara kulkanka kumi sin apu kabia la mangkanka ra wahbi sa-
kanka luhpa nani kulki ra baman, apia kra wibia kaka sin, kan
luhpa nani sut ba sim kumi kulkan sa.

Baikanka 76. Kuntri ba paskan kabia pâwaia warkka nani, utla
pûtka satka nani tuktan sirpi nani kaina sunaia dukiara; naha nani
raitka brisa kaina manas ridika daukan kaya, kaina kahbaia, bara
skul smalkaia kan baku witin brinka ba mita, taika nani bui, aikuki
iwanka bara kuntri bui.

Baikanka 77. Dama /kuka nani ba raitka brisa kaina sunanka lâka
bri kaya taika nani bui, aikuki iwanka bui bara kuntri bui.

Baikanka 78. Kuntri ba kaina sunisa Aisa bara Yapti aihwa nani ba.
Lâ bapi sa tanka plikaia yaptika bara aisika raitka dukiara.

Baikanka 79. Luhpa baku briaia lâ bapisa tukta sirpi aiska pâkaia
dukiara; Lâ bui naha tanka na wapni daukbia.

Dakbanka V

Wark bri kaya raitka

Baikanka 80. Wark ba raitka kum sa bara sin aikuki iwanka
pahpaiara sa. Kuntri luhpia nani ba sika yabal aihwa pali, baha
aikuki iwanka nitka nani banghkaia, upla nani nitka baha ba sin
yuyaka karma sa, bara kuntri pawanka sa. Kuntri ba trai munbia

Nicaragua luhpia nani sut mâ sakbia dukiara, tanka yamni nani raitka wal yaban kabia.

Baikanka 81. Wark tatakra nani ba raika brisa kampani plikanka dauki ba tila dimaia, ai aslika takanka nani bakku bara lâ bui dia wiba baku.

Baikanka 82. Wark tatakra nani ba raitka brisa yaka karna dauki yabaia kau pali ba naha nani:

- 1- Wark takan mâna lalahka sim baku, witin iwanka tanka kat, bahki saura kulkanka apukira, pulitik ra kahbi, religian ra, aiku-ki iwankara, Waitna/mairin, tanka wala sin, bara yabia yamnika ra iwanka upla baku kulkanka ra.
- 2- Ai warkka pliskara lalah aihwa wal mâna aibapbia.
- 3- Sip wark tatakra nani ai mâna sirpi bri nani ra lalahka kaina praki daukaia, sakuna sip kabia taika kaina sunaia dukiara lika, bara lâ bui baku mangkbia kat.
- 4- Warkka pliska nani ba sin yaka wina tara ra pêt apu kaya sa, wina tara yamnika ra, sunu kaya, bara pêt nani bal takaia ba kau wiria kabia, bara karna daukaia yamni ai wark tatakra nani daukbia dukiara.
- 5- Wark takaia ba 8 awar baman, wik bilara ris briaia, wark taki ba wina ris briaia pyua yabaia, kuntri ai yua nani kum kum ra lilia dauki ra wark taki ba mâna yabaia, mani tnata prisantka mâna yabaia, lâ bui dia wiba baku.

- 6- Wark taki pût-kara nahki ba kat ban kaya, lâ dia wiba baku, sim pyua yamnika bribia pliska wina saki sa kaka, yua nani kaina prakanka si apu, warkka daukia, aitani sip, kasak bara alki dadaukra kaya.
- 7- Iwanka kainakahbanka ba aiska kaina sunaia dukiara, bara raya iwaia yabalka baku, sip wark daukras takaski kaka, almuk takan, wark ra pât dimbia kaka, siknis ,bara tuktan aisubaia, bara ai tâya nanira, prura aula kaka, lâ bui dia tnatka wiba baku kabia.

Baikanka 83. Wark mapara buwanka daukaia raitka ba kulkanka yabisa.

Uibanka lal 84. Tuktan sirpi nani munka wark takaia ba lâ apia sa kan witin pâwanka ra sauhkaia sip sa, baha mita sip apia sa taibi sin munka wark daukaia. Tuktan ra bara tuktan kuarika nani ra kaina sunisa, lalah dukiara taibi munan wark taki ba mapara.

Baikanka 85. Wark tatakra nani ba raitka brisa klauna ai tnatka sinska tanka wal pâwaia .Kuntri ba bui yabal yabia dia kum daukaia luki ridi takan nani bakku.

Uibanka lal 86. Nicaragua luhpia bani ba raitka brisa taura mangkaia wahbi sakaia, bara sin dia lân takan ba pri lakara alki daukia, diara kumi baman barih ai tanka marikan ba skul tara tnata alkan wauhkataya, bara sin aikuki iwanka dukiara kaka.

Ulbanka Ial 87. Nicaragua ra bara sa pri tankara warktinman nanih aslika baku ra aipaswaia. Wark tatakra nani ba wilin pali asla takisa warkinman nanih aslika ra bara naha nani sip sa aimakaia lâ bui dia wiba baku.

Wark tatakra kumi sin taibi munka warkinman nanih aslika aipaswan tilara kaya, bara sin tila wina munka taki waya, Kulkanka yabisa asla takanka ra kaya ba klauna tankara warkinman nanih aslika lâka ra kulkanka yabisa.

Ulbanka Ial 88. Yamni sin yaka aimakbia wark tatakra nani warkka raitka ba sip upla ra yabras, baku lika klauna ai brinka dukiara apia kaka asla takanka baku, wark dawanka nani wal:

- 1) Wark yabaia ba yakan sin munaia sa.
- 2) Aikuki asla lakara wapni takan. Wal sut lâ dia wiba baku.

Dakbanka VI

Atlantik kus tawanka nani raitka

Baikanka 89. Atlantik kus tawanka nani ba Nicaragua piska kum sa bara sin sip tanis tikras, baku ba mita sim raitka bara yamnika nani brisa, sin sim baku yawan sin alki daukaia brisa.

Atlantik kus tawanka nani ba raitka nani brisa alki bri kaya bara páwaya klauna ya ba tnatka kuntri aslika tilara; brin kaya klauna

asla takanka aikuki iwanka bara wakaia tawan dukia nani dia patitara daukanka ra win ba baku.

Kuntri ba kulkanka yabisa Atlantik Kus ra tawan nani nahki tasba ai prapatika tnatka nani briba Baku sin kulkanka yabisa yamnika briaia, bara yus munaia fi nani ba bara unta dakra nani bara tawan tasbika nani.

Baikanka 90. Atlantik kus tawanka nani ba raitka brisa pri lâkara aisanka daukaia bara Sin ai twisa nani kaina suni bri kaya, sinska wal paski dukia nani, bara tnatka wala nani. Tnatka nani pâwanka bara ai daukanka aihwa nani kuntri ra kau auhni daukisa. Kuntri ba dia wal pâwaya daukaia aihka nani paskbia naha raitka nani daukaia dukiara.

Baikanka 91. Kuntri ba mihtara sa Lâ nani mangkaia bara barih tau-ra waya wark nani bra yaka Nicaragua luhpia kumi sin saura bahki kulkaia apia ai twisa aisi ba dukiara, tnatka bara kiamka.

Dakbnaka V

Kuntri kaina sunaia

Sapta kumiman

Baikanka 92. Nicaragua ejercito ka ba aipaswanka kum raks wal kuntri kaina sunaia dukiara, kuntri wala munhtara apia, bara kuntri aslika ra.

Ban tanka kum kra takbia kaka lika, Nicaragua presidentka ba, kuntri lal ka nani aikuki sip kabia kuntri puliskara ta baiki adar ya-baia ejercito ba taura aimakbia ani pyua Nicaragua kuntrika ba pôt tara kum ra waya sa kaka, pôt wahwanka satka nani bara ban wina taki baku pyuara.

Sip yaka kuntri tasbaia bilara kuntri wala kauhru daknika ka bal ai playa mangkaia. Sip kabia adar yaka kuntri bilakku bal lui waya apia kaka but bara plin nani bara war masinka nani uplara ta baiki dukia nani lika sip kabia bal takaski bri si waya, ani pyua kuntri ka-bamint kara adar kum makaban kaka bara sin kuntri asla takanka bui sin aû wibia kat.

Baikanka 93. Nicaragua kauhru daknika ka ba kuntri aipaswanka kumsa, kasak ridi takan uplika nani, pulitik daknika apia bara tila dimras, bila wawalra, wilinkira. kauhru daknika daknika nani ba smalkanka brin kaya sa, upla raitka nani dukiara.

Saura daukan bara sin kauhru pali daukaia pântka nani daukan kaka kauhru daknika bui, militar nani klauna ai lâka bri bara brih wisa uplika ba. Pât nani sirpi militar nani dauki ba wihta tara uplika nani bui kakakira takaia sa. Aima kumi sin tawan uplika nani ba militar wihtika tara bui lâka daukbia.

Baikanka 94. Nicaragua kauhru ka daknika nani ba bara kuntri puliska, sip pulitik dakni kum dukiara wark nani daukras, baku sin sip pulitik daknika tilara wark taura aimakras. Baku sin sip apia kabia liksan nani tilara wark kum taura kaya, kauhru daknika apia pulis warkka pat swin mani kum kaya, kau liksan daukras bara witin tila dimaia luki bara.

Asla takanka, aipaswanka, wark nani, wark nani mani ailal takan kulkanka yabi, wark tnata alkan ris briaia yabi ba. Diara sut ba naha daknika warkka pâwanka dukiara, lâ dia daknika baku sa

Baikanka 95. Munhta pali ra, bara kulkanka yabia, bara bila walbia. Witin nani ba tawan bila wali daukbia bara kuntri presidentka bui daukbia witin Nicaragua ejercito ka wihtika tara baku, baha ministerio ka bakku.

Sip dakni wala baha tilara raks bri tauki banghras kuntri tasbaya bilara, militar karnika yaban sainka kumi sin apu kabia kuntri bilara.

Baikanka 96. Kauhru wark ka yabanka taibi munanka apu kaia, bara sin taibi uplara alki brih waya Nicaragua ejercito ka dimbia dukiara bara kuntri pukiskara.

Bara sin kauhru daknika bara kuntri puliska asla takanka ba sip asla takanka wala paskaia, aipaswan kuntri bilara, pulitik warkka biki kaikanka daukaia.

Baikanka 97. Kuntri puliska ba dakni kum lamni wal sakuna tawan. Witin nani warkka ba kuntri bilara bin apu bri kaya du-kiara, tawan uplika nani kaina sunaia, kaina manas ridi takanka, bara saurka dauki nani nina blikaia, bara saurka wala nani lâ bui wibia ba. Kuntri puliska ba ai warkka kasak pali tanka brin uplika nani, bara sin pulitik tilara apu, pulitik daknika tilara sin apu, bila wawalra, wilinkira. Nicaragua puliska ba kuntri wauhkataya tara lâka bakku wapan kabia, kulkanka yabia, bara bila walanka. Nicaragua presidentka ba kauhru daknika lalka baku witin dia wiba wali alki daukbia, baha kabamint daknika bakku.

Kuntri puliska warkka ba tilara ta baikbia lâ dauki tasbaia piska baiki sakan nanira. Pulis klauna asla takanka ba ai karnika brisa ai ta uplika tara nani dia wibia ba kat.

Dakbanka VI

Kuntrira lalahka, reforma agraria bara lalah paramrasaota

Lalka tara ba I

Kuntrira lalahka.

Baikanka 98. Kuntri warkka kau pali ba, lalah tanira kuntri ba sarka sut ra pakaia, dia sut tanira, pawanka takaski nina ba laka ba tikaia, bara kuntri wala bila kaiki iwanka patitara wina brin ba tikaia, tawanka rayaka iwanka ba sin, bara baiki yuanka pyu banira kau kasak kaya.

Baikanka 99. Kuntri ba mihtara sa pawanka aiska brih taura waya, bara sin plaplikra kaya upla sut yamnika dukiara, brinka nani yaka aimakaia sa, nitka nani, kau pali ba aikuki iwanka tanka baiki sarkanka nani, bara baiki sakanka tara nani klauna kuntri bilara. Kuntri pahpaiara sa, kaina sunaia, tatukbaia bara taura brih waya prapati nani tnatka sut ba, bara lalah plikanka ba bara kampani satka sut, democracia yaka iwaia, lalah tanira bara aikuki iwanka.

Lalah warkka nani daukaia ba kau pali kulkanka yabaia ba tnaya uplika nani ra. Klauna wark tatakra nani taura aimaki wark dauki aula ba sin kulkanka yabisa, baha nani ba kampani sirpi kuarika

nani, kau sirpi pali nani papa pana kampani ka nani, asla takanka tankara bara wala nani.

Bank nani lalka wiba baha ba kuntri piska kum sa, lalah tnatka sut wapni bara mangkaika. Kuntri Bankka nani bara kuntri lalahka dukiara wark dauki daknika pawanka, lalah dingki yus munaika, bara pâwanka bara sin ailal daukaia tras yaban tana nani, kau pali ba mâ sasakra nani sirpi, kuarika bara kuntri mihtara sa ta baikanka yabaia ai rayaka bri kaia, sip luki swiras baku.

Kuntri bui yabia kampani nani ba pri laka nani, bara bank nani mangkaia bara lalah warkka dauki pliska nani mangkan kaya kla-una baku bara kuntri dukia baku sin, bara lâ dia wiba munhtara wark daukbia. Atkaia warkka nani lata tanira aitani kasak kabia bara kuntri bui kaina suni tankara bara sut ba lâ bui pura kaikbia.

Baikanka 100. Kuntri ba lâ mangkbia lata tani uplika nani lalah wal wark dauki ba, baha ba witin nani sin ai lalahka wal kuntri pâwanka ra ai mihta dingbia, kuntri bisniska nani ra sauhkanka apu kira.

Baikanka 101. Wark tatakra nani bara dakni wala mâ sasakra nani raitka brisa tila dimaia lalah wal nahki wark daukia ridi takanka, alki daukaia, bara lalah bisniska nani ba pâwanka dukiara.

Baikanka 102. Tasba yuyaka nani ba kuntri pahnika sa. Kaina kir alki bri kaya ba, bara apahkaia, pâwaia bara tasba yuyaka sakaia ba kuntri mihtara sa; sip kabia kantrak nani sain munaia naha tasba yuyaka nani dukiara, kuntri bui nitka brisa kaka.

Baikanka 103. Kuntri bui yamni yabisa iwanka nani democracia bara param tankara, klauna ra bara pana pana, aikuki tankara, bara tawan sirpi dauki baku, witin nani sut ba daukanka ailal aikuki lalah warkka daukisa, baha nani ba kuntri brinka munhtara sa, bara aikuki iwanka warkka alki daukisa.

Baikanka 104. Kampani nani ba asla takisa dia sat tnatkara kabia prapati dukiara kuntri wauhkataya tara bui lalah dukiara lâ mangkan ba kat. Yamnika brisa aikuki kumi kulkanka ra lâ mawanra bara lalah warkka wal, lalah pakaia dukiara ba pri lakara sa.

Yamni kasak daukisa lalah warkka nani dauki ba, kaina prakanka apukira, aikuki iwanka taka mita apia kaka kuntri brinka, lâ mangkbia dukiara.

Baikanka 105. Kuntri pahpaiara sa tukbaia, yabal sin yabaia, bara pura kaiki lâ mangkaia tawan warkka nani param bakura dauki ba, pawa awa ingnika dauki ba, walka aikuki aisanka daukaia ba,fi dukiara, impakaia dukia nani, yabal paskanka nani, bara plin iwaika nani tawan uplika nani dukiara, baha raitka nani sip upla bui sauhkras bara klauna wark dauki nani, ai tanka nani tasba yuyaka sakaia adarka yabi ba, upla klauna wark dauki nani naha tanira, lâ bui pura kaiki daukbia.

Skul smalkanka warka dauki ba, wina tara yamnika, bara aikuki iwanka, sut ba kuntri bui daukaia sa, baha yamnika nani ba taibi munan sa baha yamnika nani ba alki daukaia, tnayara lakras kau yamni ra bara kau tara daukaia. Baha dukia mangkan ba pliska

paskan nani sut ba kuntri prapatika sa, satka sut ra sip upla bui sip tikras.

Bara sin yabisa wina tara yamnika dukiara ba mana luha, baha uplika nani suapnika bri ba taura ta baikai, dia daukaia ridi takan ba Yapti tuktan aisubi nani dukiara. Wina tara yamnika warkka kuntri dauki ba, bara skul smalkanka ba kau tara daukan kaya sa. Yabisa klauna uplika nani wina tara yamnika bara skul smalkanka mangki banghbia.

Kuntri alki daukaia sa yamnika nani dauki ba kasak aitani kaya dukiara pura Luanka dauki nani mapara, bara diara nani alki takaski kau mana suni ba, plun nani yus muni nani sut.

Dakbanka II

Insla mangkaia tanka.

Baikanka 106. Insla mangkaia tanka ba diara kum kasak kulkanka brisa tasba prapati ba kupia kumira briaya, bara sin baku tanka kat tasba ba baiki sakaia, bara yabal kum bapisa taura barih impakaia tanka yamnira, kulkanka brisa bara smatka nani aiska rayaka bri nani ai kaina kir wal bara lalah pawanka tanka wal kuntri bilara. Reformma Agraria ba ai lukanka ra bribia waitna aikuki iwanka ba nit ba, bara si yabisa insla dadaukra nani naha yamnika lâ bui wiba baku.

Baikanka 107. Insla mangkaia tanka ba bui tasba tara yus munras bri nani ba tikbia, bara baha tasbaia ba kuntri bui bribia. Ani pyua tasba yus munras klauna uplika nani bahki ra bri ba mihta dakbi sa kaka kuntri wauhkataya tara ulbanka lal 44 ra dia wiba wal daukbia. Reforma Agraria ba insla warkka dadaukra nani ra taibi muni ba sut tikbia, indian tawanka nani kuntri bilara ba, bara ta-tukbanka daukbia lalah pawanka aikuki kumira pâubia bara aikuki iwanka kuntri ra, mangkan naha kuntri wauhkataya tara ra. Tasba prapatika bri kaya ba lâka bara sa indian tawanka nanira lâ bui naha dukiara dia wiba baku.

Baikanka 108. Kasak yamni yabisa tasba prapatika dukiara, dawanka nani sut ra wark dauki mâ nani aitani kat saki ba. Lâ bui wapni daukaia mangkisa klauna wark dauki nanira, bara ya wala nanira reforma agraria dia bapanka dauki ba kat.

Baikanka 109. Kuntri ba taura bri impakbia insla dadaukra nani wi-linkira asla taki ba pana pana insla mangkaia tankara, bahki saura kulkras waitna kabia mairin kabia di klauna ai mihtara bri ba aitni kat sinska laka sunaia bara mâ sakaia, insla dadaukra rayaka nani kau yamni daukaia dukiara.

Baikanka 110. Kuntri ba barih impakbia tila dimanka wilin tankara insla dadaukra sirpi bara kuarika nani lalah pawanka ridi takan nani tilara bara aikuki iwanka kuntri bilara, aikuki asla takan tankara bara yakan yakan ra sin.

Baikanka 111. Insla dadaukra nani bara mâ sasakra wala nani ba raitka brisa tila dimaia insla warkka nahki tnatka wala dauki waya lukankara, klauna ai asla takanka bakku.

Dakbanka III

Param suaki sakaia lalahka.

Baikanka 112. Kuntri aiska lalahka ba mani bani ban sa bara witin bapanka bri ba dia baldimi taki wi nani ba wapni daukia pat ridi daukan bar a ban wina bal taki nani sin kuntri warkka nani waki auya ba wina. Lâ bui win kabia ani kat lalah nani yus munaia ba kuntri daknika taura nani, bara sin marikan kabia ani wina bal dimi ba bara taki wi ba, baha nani sut ba tanka wapni ra kabia.

Kuntri asla takan ka ba sip sa kuntri lalahka president bui blikan ba satka wala sakaia, kau purara sunaia apia kaka alahbaia sakuna sip tnaya wina lalah tikaia tanka wala paskras baku lalahka ba sin mangkaia sim pyuara, dukia nani lalah yabaia dukiara. Lalah Mani bani yus munaia ba sim baha lâka bui wapni daukbia.

Kuntri lalahka mani aiska yus munaia ba, ban kau sunaia luki kaka apia mayara alahbaia luki sa kaka tras nani ba lalah nani dingki ba, apia kaka lalah laki ba,ai daknika sat sat makabanka nani ra kuntri asla taki aisanka bui aû win ba, Mani aiska lalahka lâka ba sip mâna aibapaika baha wina sakras.

Ulbanka lal 113. Kuntri presidentka mihtara sa, mani bani yus munaia lalahka lâka nani, bara baha ba kuntri asla taki aisanka ra dingkaia sa aû ka yabia dukiara, baha lâ ra dia wiba baku. Dia daukaia luki ba mani aiskara lalah yus munaia lâka ba.

Mani aiskara lalah yus munaika ba kuntri asla taki aisanka wina tanka nani brin kaya sa, klauna tasbaia ra nanira lalah yus munaia ba bara gabament wal takras nani, bara kuntri kampanka nani.

Ulbanka lal 114. Kuntri asla taki ais la dauki ba baman karnika brisa paskaia, aû wiaya, tnatka wala lakaia, lal mana aibapi ba apia wiaya. Lal mana sakaika ba tilara brin kaya sa yuyaka baike sakanka lalah mani bani taki ba wina.

Adar apu sa lal mana aibapaia upla dukia mihta Dakban wina.

Mana aibapaia tanka kumi sin apu kabia lal mana satka sut, sika nani lal mana, vacuna baku nani, tala laya upla yus muni ba, dusa paskaia bara winka piska aisawan klaki saki paski ba, sim baku dia wal dauki ba mihta wal yus muni dukia nani, baha dukia nani paskaia, wahbi sakaia bara tnatka nani bapbia ba.

Ulbanka lal 115. Lalah lal mana sakaia ba lâ bui paskaia sa, witin bui mangkbia dia tankara ba, bara upla aibapaia nani kasak daukia tanka ba. Kuntri bui taibi munbia apia lal mana aibapaia tanka ulbi lâ bui swiras kan kaka.

Dakbanka VII

Skul smalkanka bara tnatka daukanka.

Sapta kumiman

Baikanka.116. Skul smalkanka ba ai bapanka brisa, Nicaragua luhpia nani tanka aiska ra paskaia dukiara; Yaban kabia lukanka klauna ai tanka laki kakaira kaya, sinska laka wina bara sin upla nanira tanka kakaira; witin ya ba pâwaia, bara klauna upla baku kulkanka bri kaya, bara aitani sinska laka aiska yamnika dukiara wark daukaia kuntri bui pawanka makabi kaka. Baku ba mita skul smalkanka ba diara kum kulkanka kau tara sa pawanka aikuki iwanka tanka wala lakaia dukiara.

Baikanka 117. Skul smalkanka ba wapanka kumi baman sa, democracia brisa, papaskra, tila dadimra, aisanka dauki ba ta mangkisa, mihta warkka sinska wal bara tanka plikaia tatukbisa. Ai playa bapanka ba sika kuntri ra kulkanka yamni bri nani ba, wan kuntri dahra bara tasba aiska, tnatka kasakka pyua bani pawanka ra sins tankara, bara tanka bri nani klauna Nicaragua ra kulkanka bri ba kau paki waya, kuntri wauhkataya tara ra dia ulbi mangkan ba baku, baha tanka plikanka ba tatukbaia sa.

Baikanka 118. Kuntri ba tukbi brih wabia taika nani tila dimanka ba, upla nani bara tawan skul smalkanka, bara yamni yabisa ta baikaika nani matira dahra twilki nanira bara aikuki iwanka ra sin.

Baikanka 119. Daukaia, brih impakaia, bara asla daukaia. Kuntri skul smalkanka ai warkka daukisa aiska tankara, kuntri dia aisi ba baku. Ai asla takanka bara warkka daukanka ba lâ bui mangkan sa.

Kuntri alki daukaia ba upla paskaia smalkaia, satka sutra bara upla nani baha warkkara ba kau sinska tankara pakaia skul tara brin uplika aitani kat pawanka dukiara kuntri tanka wala lakaia dukiara.

Baikanka 120. Kuntri bilara skul smasmalkra paski pûtka ba wark kum tara pali daukisa, ridi takanka papaskra nani daukisa,. Skul smasmalkra nani ai raitka brisa ai rayaka yamni paski bri kaya, warkka kulkanka ba wal praki bara sin aikuki iwanka ra kulki ba tanka kat, dauki aula ba, taura brih wan kabia bata ta baikaia dia lâ wiba baku.

Baikanka 121. Skul briaia ba pri lakara sa bara sin Nicaragua luh-pia sut ra kulkanka kumira yabisa. Primaria skulka ba mana luha, bara sin taibi munan sa kuntri skulka nanira dimbia. Kuntri skulka nani pat purara nani ba sin mana luha, baha tilara ya aisa Yapti, taika nani ai kupia laka ta baikaia luki ba saurka apu sa. Upla kumi sin baha wina saki latara swiras, gabament skulka nanira, lalah pâtka mita. Indian tawanka nani bara kiamka wala Atlantik Kusra

raitka brisa ai tasbaya piska ra smalkanka briaia tanka walra klauna ai bila kat, lâ dia wiba baku.

Baikanka 122. Upla almuk nani ba pyu yamni nani bribia skul briaia bara alki dauki pakaia, smalkanka satka nani bakku, bara witin nanira paskanka. Kuntri ba ai warkka nani smalkanka nani dauki ban brih taura wabia skul briras laka nani sut tikaia.

Baikanka 123. Skul klauna ra smalki warkka dauki ba sip sa satka sutra smalkaia, kuntri wauhkataya ra dia ulbi mangkan ba munhtara kabia.

Baikanka 124. Skul smalkanka Nicaragua ra ba upla munhtara apia sa. Kuntri ba kulkanka yabisa klauna skulka nani smalkanka dauki ba bara lalukra paskanka ra tniwanka bri ba, baha ba smalkanka dia wiba bakku. Kulkanka kum bri kabia.

Baikanka 125. Universidad nani ba bara skul smalkanka sinska tanka kau purara ba, witin nani klauna ai lâka brisa, lalah tanira aipaswanka bara wakisa lâ dia wiba baku.

Witin nani lal mana satka kumi sin aibapbia apia región ra bara tasba sirpi baiki sakan ra sin. Yuyaka nani bri ba bara dia wala mana ba sip aibapras, sakuna dia daukaia briba yaka aimakbia ani wina takan ba tawan uplika tilara markit satka apia kaka wark nani.

Skul smasmalkra nani, skul tuktan nani bara wark tatakra nani waki banghwiba tila dimbia universidad plikanka ra.

Universidad nani ba bara skul smalkanka pat purara nani ba, ban lâ bila wisa kuntri bui lalah wal ta baikaya sa, mani bani ta baikanka kum bribia ba 6% kuntri mani bani lalah ka yus munaia ba wina, baha ba baiki sakan kabia lâ dia wiba baku. Kuntri bui sipsa ta baikanka yabaia diara wal kum kum ra yus munaia universidad ra bara skul purara pût kara.

Bara sin yamnika yabisa smalkanka wala nani. Kuntri ba ta tukbi kaina sunisa pri lakara tanka plikaia ba, bara sins laka yaka upla sut tanka briaia, sin smatka nani, upla ai sinska wina diara nani paski ba, bara upla nani diara ailal tanka bri ba ta baikisa bara kaina sunisa.

Baikanka 126. Kuntri warkka sa taura barih impakbia pliki sakanka, pawanka bara karna daukaia kuntri tnatka ba, tawan uplika tila dimanka wal.

Kuntri ba bui ta baikbia kuntri tnatka tanka sut ra, pâwanka bara karna daukaia bakahnu ra kabia apia kaka klauna papaskra nani kabia.

Baikanka 127. Sinska wina paskanka nani bara tnatka ba pri sa bara tanka tara. Tnatka warkka tatakra nani ba pri laka aitanini kat brisa tnatka sat nani plikaia bara aisanka tnatka. Kuntri ba trai munbia yabal aitani kat yabaia daukaia bara yaka sut kakaira takaia, warkka nani ba bara ya daukaia dukia ba kaina sunaia.

Baikanka 128. Kuntri ba kaina sunisa patitara pahnika nani bara twisa, tnatka bara bara sinska laka kuntri bri ba.

Lalka tara ba VIII

Kuntri asla takanka wina

Dakbanka I

Ta lukanka aihwa nani.

Baikanka 129. Karnika nani lâ paski ba, alki dauki ba, lâ brih wapi ba, bara liksan, kumi bani ba klauna aikuki tilara, bara aikuki ai-tanka bri sa laman tankara, kuntri brinka baman witin nani muntara sa, bara naha kuntri wauhkataya tara ra dia win ba kat.

Baikanka 130. Nicaragua kuntrika ba ai bapansa kuntri kum aikuki iwankara, raitka bapanka. Wark kumi sin bui yabisa ya dauki kaka dia wala pura kau lui daukaia kuntri wauhkataya tara bui yabi ba.

Kuntri warkka tatakra nani ba dia yuyaka bri dukiara kau wark ai mihtara briras bara dia bri ba dahra bara tnata alkan pyuara sin win kabia

Kuntri warkka tatakra nani ani daknika karna warkka dauki kaka, wahbi sakan wina kat apia tani walak ku kabamint daknika lalka nani bara ai ninka, kuntri daknika, kuntri lalka tara apia kaka kabamint ninkara nani klauna tasbaia nanira bara sin kabamint daknika, bara Nicaragua watlikara kuntri walara ai warkka dauki nani, sip witin nani kuntri wina wark wala adarka briras. Baku sin sip witin nani kampani kum watlikara apia kaka plikaia param

kabia apia kaka klaunara kabia sin, kuntri apia kaka lata uplika dukia, kuntri bui kantrak dauki ra. Naha lâka na pura lubia kaka dia adarka yaban kaka bahki ra tawisa apia dia yamnika sakan kaka sin bara diara sut ai warkka sut witin swih tikisa.

Kuntri asla taki aisanka ba Lâ aû win ba baiki sakanka yuhmpa ai daknika bakku param sakaia baha uplika karnika ba tikan kuntri presidentka ba. Kabamint daknika nani ba lâ ulbi aû wibia aihkika dakni bui ta baikan kaka. Naha daukanka apu kaka gabament warkka tatakra nani ba kuntri wauhkataya tara bui upla bui karnika yaban ba, sip lâ bui alkras, lâka daukras, ban kra taika nani pâtka dukiara bara wark nani dukiara ba. Karnika kum yaban ba, lâ bui naha tanka na daukbia.

Ban kra kuntri presidentka bara ai ninka wal silakra brih waya tanka taki kaka, ani pyua karnika Dakban sa kaka, lâka daukaia ba lâ brih impaki karnika bri nani bui daukbia.

Kuntri karnika nani aiska sut ra, bara ya witin nani wina ta baikanka bri ba, baku sin Apis wala nani kuntri wauhkataya tara bui paskan ba, sip upla kum wal ai inmanka bri ra warkka ba yabras., bara baku aitanka ra, ani uplika wina karnika yaban ra sa. Wark nani yabaia dukiara nina kau pali mangkaia ba, bahara sip adarka yabras sa taika nani srakika kat tala kumi nani, bara naha tanka na lâ bui wapni daukbia.

Naha apia win ba tila ra mangkras sa, ya nanira nina mangki wark yabaia ba, lâ ba yaka aimakaia dukiara tawan uplika wina wark

dauki ba bara brih wakaia warkka, skul smalkaia warkka, Lâ brih impakaia skulka, lata tanira kuntri warkka daukaia bara lâ talika nani wibia ba..

Baikanka 131. Kuntri karnika walhwal bri warkka dauki nani ba, wahbi sakan sa wina kat apia kaka tani walak ku, baha nani sut ba mawanra laki win kaya sa ai warkka yamni dauki aula ba dukiara, bara sin dia dauki aula ba dukiara sin win kabia. Alki daukan kaya sa bara walaya pâtka nani, bri ba bara trai munbia alki wapni daukaia. Tawan warkka ba tawan yamnika dukiara wark daukaia sa.

Kuntri ba lâ dia wiba baku, witin pahpaiara sa pahni nanira latwan munan kaka, apia laki kaikras kan kaka, uya ai pyua mangkras kan kaka, gabament warkka uplika nani bui, ai warkkara pyuara. Pât wahwi sa ai yamnika nani dukiara, raitka bar brinka nani, tani walara diara tara kum pâtka mita baman. Kuntri bui sipsa gabament warkka uplika ra kli wiaya baha munan dukiara, wark tatakra nani ba witin nani pali klauna kuntri wauhkataya tara ba ra sauhkisa, uplika ba kasak wapni waki waras ba mita, bara saurka wala satka ai warkka dauki pyuara daukan kaka.

Bara sin kuntri mawanra witin nani ai pahpaiara sa uplara sauhkanka dauki kaka taibi muni, apia kulkanka yabras ai warkka dauki pyuara. Tawan warkka nani ba sip kauhru tilara dingkras. Tawan warkka ba bara wakaia warkka sut ba lâ bui wapni daukbia.

Dakbanka II

Lâ dauki waya karnika bri ba.

Baikanka 132. Lâ daukaia karnika bri ba witin daukisa kuntri asla takanka watlara watlikara biki baku bara tawan adarka, kuntri asla taki aisanka tilara brisa diputado matlalkahbi pura yuhmpa, kumi, bani ba aninka wal but muni wahbi sakan, tasba aiskara but muni dauki tanka ba bui ta brin, sim baku, wina kat, pri tankara bara yukukan ra, watlikara aimaki tnatka bakku. Kuntri daukakanra lik-san lâka dia aikuki aû takan ba kulkanka, wahbi sakbia diputado yawan aiska bara tasba tara baiki sakan banira bara klauna tasbaia nani sut ra lapapaskra nani matlalkahbi pura matawal sip wahbi sakan kabia.

Alki daukaia lâka bapisa lalah aitani kat laki kaya kuntri mani aiska lalahka ridi dauki ba wina kuntri tri asla taki aisanka bakku.

Baikanka 133. Bara si kuntri asla taki aisanka piska kum sa diputado taura nani, bara ninka nani. Kuntri presidentka nani pat takan nani bara ninka nani, kuntri bui wahbi sakan nani, wina kat pyua prahni kainara luan nani bara lapapaskra waitnika an mairka taura nani bara ninka nani, President ra mangkaia wahbi taura mangki nani bara ninka kuntri ra tila dimisa dia bani paskaia ba dukiara, bara sin ninka pliskara brin kaka.

Kuntri aiska lalka tara ba bara sekantka sim liksan ra diman kan ba ninkikara sakan kaka.

Baikanka 134. 1. La papaskra kaia daukanka nani ba:

- a) Nicaragua wina kaia sa.
- b) Tawan luhpika baku ai rait ka nani sut bri kaia baku sin pulitik tanira sin.
- c) Ai manka ba yawan aiska pura kum mani bri kaiasa.
- d) Mani nani walh wal liksan kainara kuntri bilara iwi kaia sa.

2. Sip la papaskra bara sekantka baku wahbi sakras kaia ba:

- a) Naha uplika nani ba: Kabamint an kabamint daknika lalka wal wark taki nani ba. Ladadaukra tara, la nani wapni dauki uplika ba. Liksan tara daukaia ta bri uplika ba, Liksan tara daukaia ta bri uplika ba. Kuntri purakaikanka aiska purara daknika, kabamint bisniska aiska pali taura aimaki brih impaki uplika ba, el Procurador y Subprocurador General de Justicia, karnika aiska pali briba upla nani tawan aimaki uplika ba, el Procurador y Subprocurador para la Defensa de los Derechos Humanos, karnika aiska pali briba upla nani raitka tawan ai, maki uplika ba, kuntri layarka aiska, gabamint bisniska, dukia nani pura kaiki yamni brih impaki uplika ba. Y el Fiscal General Adjunto de la Republica, gabamint bisniska nani ta baiki uplika ba. Alkaldi nani taka uplikaba. Ban sakuna witin

nani sip kabia wahbi sakan kaia, kati nani matawalsip liksan kainara ai warkka taki ba wina dakwi takbia sa kaka.

- b) Serts nani napakanka, ban sakuna sip kabia wahbi sakan kaia witinka kati nani matawalsip liksan kainara ai warkka ba wina dakwi takbia sa kaka.

Baikanka 135. La papaskra, La papaskra kumi sin gabamint wina, campani kum wina, bila tani wina, lata tani wina kra ai kupia param wal diara kum yabia sa kaka sip alkbia apia, naha laka nani pura lui ban alkbia sa kaka ai mihta dakban kabia, baku sin ai warkka wina sakan kabia.

Baikanka 136. La papaskra nani wahbi sakan ba mani nani matsip baman dukiara sa, ai warkka nani mihtara mankan kabia siakua kati 9 yuara, witin nani ba mani luanra wahbi sakan ba.

Baikanka 137. La papaskra nani wahbi sakanba, ai watlikara wala nani sin sakanba witin nani ba ai warkka ra dinkan kabia, Liksan tara aiska ta briba lalka nani mawanra pramis takan kabia.

Asamblea Nacional ba, Likasan tara aiska ta briba wihtika mita warkkara dinkan kabia.

Baikanka 138. Kuntri laka nani paski dauki aslika ai karnika aiska briba naku sa:

- 1) La raya kumi paskaia sipsa, aitani sa wiaia, karnika aiska ya-baia baku sin kli raya paskaia apia kaka diki sakaia.

- 2) La aihwa daukanba tanka param laki wiaia.
- 3) Lukanka kum briaia sip sa, silak watla wina upla sakaia, paktka ban suih tikaia, apia kaka kuntri aiska lalka tara ba mita lukankana ba brih daukan kabia.
- 4) Gabamint lamara dakni tara nani ailal wark sat sat dauki nani sut palira makaban kabia kumi bani nahki natkara ai warkka nani dauki ba tanka sut pali ulbankara saki dinkan kaia, baku sin ai mawan nani sakan kabia, naha makaban kana taibi munan kabia, baku daukras nani ba upla wala ai watlikara mankan kabia.

La papaskra daknika ba kaikisa wark taura mankan nani ba ai warkka ba sip daukras sa kaka winanka kum dauki la papaskra nani aihkika ba mita sip sa au taki ai warkka wina sakaia. Ninkara kuntri aiska lalka tara ba, kiama mankaia yua yumpa ninkara au takanba kat daukan kabia.

- 5) Tawan uplika asla takanka nanira la kulkanka karnika yabaia sip sa diki sakaia sin sip sa.
- 6) Kakaira takaia, laka tanka laki kaikaia, ta baikaia mani aiskara gabamint wark nani daukaia lakanba dia takiba maisapaki kaia, la wauhkataya ra ulban ba baku.
- 7) Magistrado, wahbi sakaia ba kumi bani nahki ai warkka daukaia kulki sakan ba, kuntri aiska lalka tara ba mita daukan kaia, baku sin Diputados nani daknika mita sim, tawan

uplika nani aikuki aisi kaiki sakan kaia sa. Yua nani matawalsip pura matsip bilkara wahbi sakan yua ba wina kulkan kabia, kuntri aiska lalka tara ba mita nina nani kau lakras sa kaka, Diputados nani aslika mita daukan ba aitani kabia. Magistrado bani ba wahbi sakan kabia ba Diputados nani aihkika sesenta por ciento mita au winsa kaka.

Baku natkara sin Conjueces makiba, patkira nani laka dauki daknika wahbi sakaia ba, Magistrdos nani wahbi sakan natka ba baku wahbi sakan kabia.

- 8) Magistrado, wala nani sin aikuki bakahnu wark takiba, Liksan tara aiska ta bri lalkaba wahbi sakaia ba kumi bani nahki ai warkka daukaia kulki sakan ba, kuntri aiska lalka tara ba mita daukan kaia sa, baku sin Diputados nani daknika mita sim, tawan uplika nani aikuki aisi kaiki sakan kaia sa. Yua nani matawalsip pura matsip bilkara wahbi sakan yua ba wina kulkan kabia, kuntri aiska lalka tara ba mita nina nani kau lakras sa kaka, Diputados nani aslika mita daukan ba aitani kabia. Magistrado bani ba wahbi sakan kabia Diputados nani aihkika sesenta por ciento mita au win ba wal.
- 9) Wahbi sakaia natkaba, sesenta por ciento Diputados daknika ba mita au win kaia sa, baku sim kuntri aiska lalka tara ba ai lukankaba kahban kaia sa, kumi bani ai warkka daukan kaia natkaba kat, Diputados nani sim tawan uplika lukanka wahbi saki wal wahban kabia.

- a) Gabamint warkka nani pura kakaira nani ra, ai lamara wala nani brih aikuki wark takiba sim, bank nani lalka tara nani ba; b) baku sim dakni wala nani lalah wal wark nani daukiba; c) gabamint bisniska nani pura kaiki nani ra, gabamint bisniska nani ta baiki nani ra; d) karnika aiska alki briba tawan uplika tawan aimaki ta bri nani ra ai lamara wala nani wark taki nani ra; e) pura kakaira nani ra , dakni wala nani tawan uplika warkka taki nnani ra; f) Wark nani pura kaiki daknika nani ra tawan kuarika nani kli paski wapni dauki nanira, baku sim tawan pirpi nani kli paski dauki sut ra. Wark nani sat sat ta briba, pura kaiki lalka tara nani ba wahbi sakan kabia mani nani matsip dukiara baman kabia.

Wark nani sat sat ta briaia wahbi sakan nani ba tilara numba nani 7), 8) ra ta uplika nani taika sip kli naha ta uplika raya nani wahbi saki ba tilara diman kabia apia, baku sim kuntri aiska lalka tara ba wina, Diputados nani taika wina sin apia, tawan wala wina kabia partido kumi wina sin apia. Paran aisabia sa kaka pat wark briba wina kli gabamint warkka wala sip briras plis kumi walara sim apia, tayka nani satka kumi sim apia, ban kra wark wala ra tawaia sa kaka nanara ai warka briba wina dakwi takan kaia sa.

Ta uplika nani wahbi sakan nina nani ba yúa nani matawalsip pura matsip pat dinkan kaia sa, kuntri aiska lalka tara ba mita dinkras sa kaka, Diputados nani mita dinkuya aitani kulkan kabia sa.

La papaskra daknika ba, dakni especial kum ba wal prawi wahbi sakan nani ra paiwan kabia, wahbi sakan nani ba ridi takan uplika

kum kaia sa wark kum dukiara paiwiba, ai lukanka sin wapni bri ba, ridi takan wauhkataya nani makabia ba brih balan kaia sa.

10) Tanka kakaira kaia sa, kawanka nani bara ba kulkaia Diputados nani ba asamblea lakara sip sa kli Diputado kulkan kaia apia ba naku taka mita:

i. Ai warkka wina dakwi takan ba.

ii. Pruan ba mita.

iii. Witin la krian patka alkan ba mita silak ra sa sip wark takaia tanka apu purkara nina sauhkanka ba mita kira.

iv. Yua nani sesenta baku ai warkka suin taura brikata ba, asamblea ta bri nanira paramkaba wiras kira.

v. La pura luwi sauhkan ba Acto 130 Cn ulbanka piska yumpara aisi ba baku.

vi. Mana kum brin gabamint lalahka wina, wark satka kum daukan mana, ban kra smalkan mana, wina tara yamnika warkka daukan mana, gabamint warkka walara wark daukan mana, witin kli Asamblea ra dimaia sa kaka wark wala dauki ba wuin kaia sa.

vii. Kau ai warkka raya ra dimras kan piua ra ai dukia kukanka nani lal mana gabamint ra aibapras kan tawan.

- 11) Kakaira takaia wark uplika kum wark suiyaya dinkan ba, baku sin wala watlikara mankaia ba wapnika daukaia, kulkanka 7), 8), bara 9), dia mata, kainara brih waia La ra mankanba baku.
- 12) Aitani kulkaia apia kaka tnayara lakaia.
- 13) Aitani kulkaia dia nani sut wan tasbaya wal prakiba.
- 14) Adar nani paskaia pain kulkan laka kumi wala wal baku kaia apia wan tasbaya natkaba kat.
- 15) Raya paski bara walara yaya, Kuntri natka ba kat.
- 16) Aidrubanka aihwa pali kum bukan kabia kuntri lalka tara ba baku sim witin wal ai lamara wark taki ba wina walaia ai warkka nani mani aiskara daukan dahra nani.
- 17) Klauna ai ta uplika nani wahbi sakan kabia.
- 18) Bak sakan daknika kum bara sabi diara tanka plaplikra nani daknika nani paskan kabia.
- 19) Almuk takan nanira tabaikanka yaya, tinki laka yabaia, bak sakan uplika ai tasbaya bilara ai piua nani yabata ba ai uplika nani mata.
- 20) Wan tasbaya aiskara pulitik baikanka nani ba pura kaikaia.
- 21) Kuntri aiska bilara lalah tani, upla bangwika pawanka tani pura kaikaya.

- 22) Wark takaia pliska kum bara ba bangkaia Presidente sekantka, Presidente wina baku sin Presidente sekantka ban kra wal sut sim piuara apu kabia sa kaka.
- 23) Presidente ba kuntri wina taki waya sa kaka, ai impakanka ba yua nani matawalsip pura matsip kau pura luwaia sa kaka, Presidente sekantka ba sim baku.
- 24) La nani wapni daukiba taka uplika wina, apia kaka tawan uplika nani wina dusa kuhbanka dinkbia, gabamint warka uplika nani mapara baha ba tanka pliki wapnika daukan kabia.
- 25) Klauna ai tila ba kat ai laka nani paskan kaia, La almuk ba sim kli raya daukaia.
- 26) Suldahwa nani wan tasbaya wina taki waya luki bara, sip sa aitani wiyaya, ban sim apia wiyaya.
- 27) Raya paskaia, aitanika yaya, wapni mankaia, municipal ai wark nani daukaia ridika takiba.
- 28) Aitani kulkaia, pia kaka tnayara lakaia ban sin kra wapni daukaia, aisanka kum sakan wan rait ka bara la aiska daukan mita kankahbiba wala ba sim istikira pat kum takbia nani sut ba dakbi suiaya.
- 29) Mani aiskara wark sat sat nani daukan ba maisapakanka nani ba brin kabia, gabamint apiska tara nani sut ba wina, gabamint bisniska aiska ta briba taka uplika wina, bisnis nani sut

pura kaiki nani ba win, La satka nani pura kaiki brih Impaki nani ba wina, Bank tara, sirpi nani wina sim, dakni wala nani lalah wal wark sat sat dauki nani ba wina, upla nani raitka tawan aimaki taka uplika nani wina, maisapakanka wala nani sim.

- 30) Wark bilka kum ba kli bukaia 15 yua nani ba luaia apia, Diputados nani sut wina voto ka ba sesenta por ciento kaia, nina dinkaia ba Kuntri asika lalka tara ba mita
- 31) Aisikaikanka nani asla daukan kaia, aisikaikanka tarka nani sim.
- 32) Wala nani aitani kulkan kabia La nani sut daukan ba.

Baikanka 139. La papaskra nani ba ai kupia param kaiasa ai purara wark daukaia kahbanba, ai lukanka baku sim ai voto ka yan ba.

Baikanka 140. La wala paskaia ta krikanka bri kaia.

- 1) La papaskra mairin bani ba La nani paski asla takanka tilara ai lukanka dinkaia, diara kum ta krikaia, La nani wapni dauki ba tilara.
- 2) Kuntri aiska ta uplika tara ba.
- 3) Corte Suprem de Justica ba, Consejo Suprema Electoral ba, Consejos Regionales Autonomas nani ba, Consejos Municipales nani ba, diara nani ba manki kaikbia

- 4) Diputados nani Centroamericanos La nani dauki, wapni man-ki daknika tilara Nicaragua gabamint ka mita mankan ba, la nani ta krika ulbi sakaia baman, ai tasbayara wina tilara dimaia.
- 5) Tawan uplika nani nakura ta krikanka kum bukiaba, nina nani wahban kaia ba cinco mil wina maya ra kaia apia, La nani ban suin ba, lal mana baku, internacional lukanka baku, kupia pihni laka watawikira tani, saurka suih tikaia tani.

Baikanka 141. Asamblea aisi kaikanka kumra, la papaskra nani sut ba wina bakri pura kumi kaiasa.

La daukaia ulbi sakan kum, aitani kulkan ba, bakahnu lukanka ba, param ra sakanka ba, yamni kulkan kaia ba, Diputados nani aih-kika bara kabia ba mita baman, ban sip sa tani wala La papaskrika aiska ba mita kau ailal makaban kaia.

La kum ta krika ba Asamblea aulbrika mawanra kahban kaia sa, kupia bukan kaia mata.

La nani sut pali Asamblea mawanra kahban kabia ba, aisi kaikan kabia ninkara Asamblea aiska mawanra kahban kabia, ninkara laki kaikaia daknika mihtara yan kabia.

Bankra kuntri aiska lalka tara ba istikira paski daukaia ulbanka kum dinkbaia sa kaka, mahka pali pura kakaira daknika mihtara lakan kabia, baku sim naha daknikaba mahka pali lakikaikan kabia, ninkara Diputados nani mihta ra lakan kabia cuarenta y ocho hawar nani kainara.

Paskaia ulbanka nani ba ailalsa kaka baku sim laka nani ba yahpa sa kaka laki kaikanka daknika lukan kum sakbia, bankra dakbanka nani ra baiki sakbia baku sim aitanika yaban kabia.

Aisi kaikaya dukia ba, bak sakan daknika wina brin kabia, baha ba turbi kakaira nani mawanra aisi kaikan kabia, ninkara pana pana ai lukanka nani dinkan kabia, baha ba aitani sa wibia kaka kli lata wina danika lukanka wali kaikan kabia.

Asamblea mita la kum paskaia aitani kulkan ba, kuntri aiska lalka tara ra blikan kabia, witin mita aitani, kasak sa wibia ninkara upla sutra maisapakan kabia, paramra sim sakan kabia. Naha laka nani na La nani sut yamni barih inpaki daknika ba sim kli laki kaikan kabia apia. Ban kra kuntri aiska lalka tara ba upla sut ra maisapakra, param ra sim sakras kabia kaka, yua nani matawalsip pura matsip ninkara Asamblea lalka tara ba La paskanka sut ba upla nani ra maisapakan kabia; Bamna naha laka nani ba baha yua wina La kum baku kulkan kabia. Baku sim aitani kasak kulkan laka nani ulbi saki pliskara maisa pakan kabia ahkia yua wina maisapakan kana sakan ba.

La nani paskan sut ba La aihwa baku kulkanka yaban kabia. Asamblea ra pura kaiki daknika ba mita naha laka nani ba laki kaiki daknika kumi bani mihtara yan kabia laki kaiki aitani kulkanka yaya mata, kuntri aiska lalka tara ra piua yan ba kat daukras kabia sa kaka.

La nani ba sauki tikaia apia kaka La wala mita kli paski aitani kulki upla sut ra maisapakaia, ani yua wina La kum baku takan ba dahra nani ulbi saki watla bak, ban sipsa natka wala bak daukan kaia sim.

Asamblea mita La nani kli paski daukan ba aitani sa wibia ninkara adar yabia ulbanka aiska pali ba, dahra nani ulbi saki watla bak sakbia baku sim, ulbanka yahpa nani ba suaki sakan kabia.

La kum ta krikanka nani ba La nani wapni dauki daknika kum mihtara lakbia pana pana aisi kaikbia, tnayara lakan nani ba kli La wapni dauki daknikara lakan kabia apia.

Baikanka 142. Kuntri aiska lalka tara ba sip sa La kum paskaia ulbisakan ba takaskaia, bakriki apia kaka aiska sut yua nani matawalsip pura matsip ai mihtara yan ba wina, baku sim La ulbankaba sip upla nanira maisapakras, param sin sakras kabia kaka Asamblea lalka tara ba mita lakana upla nanira maisapakan kabia kuntri bilara sturi nani ulbi saki ba natka bak.

Kuntri aiska lalka tara ba, La ulbi daukankaba bakriki baman ta baikisa kaka karnika yaya sip sa kli laki kaiki wapnika mankaia.

Baikanka 143. La kum ulbisakan ba kuntri aiska lalka tara ba, bakriki apia kra aiska mapara lulkan kabia sa kaka kli Asamblea daknikara dinkan kabia, maisapakbia dia mita mapara lulkan ba.

Asamblea aiska mita la kum lukras kan ba Diputados nani aihkika ba mita tnayara lakan kabia, Asamblea lalka tara ba mita lakana upla nanira maisapakan kabia dia mita La kaba lukras kan ba.

Ani piuara La kum takaskan aiska lukras ba walan kabia dia mita lukras kan ba, bak sakan daknika kumi bani ba baikanka nani ba laki kaikan kabia, baku sim Asamblea ra banwi nani ba mita laka nani ba tnayara lakan kabia, Asamblea lalka tara ba mita upla sut ra maisapakan kabia.

Dakbanka III

Gabamint laka nani brih impaki ba aslika

Baikanka 144. Kuntri aiska lalka tara karnika ba sip sa Poder Ejecutivo ra lakaia, wihta nani aslika ba, gabamint lalka baku, Nicaragua suldahwa nani lalka tara baku.

Baikanka 145. Kuntri aiska lalka tara mihta aihkika uplika ba ai warka nahki daukaia ba Constitucion Politica ra marikisa, Presidente sim ai wina kat maisapakan kabia, apia kaka La ra ulbanka bak.

Baku sim Presidente warka ba wala mihta ra kahban kabia suakwanka prahni apia kaka sip lakras ba mita.

Baikanka 146. Presidente bara Presidente sekantka wahbi sakaia natka ba tasba aiskara natka dauki ba bak daukisa, wapni kasak,

taiban wal apia, yukuwan ra sim apia, ya kau purara wahban ba witinka ba bak saki bribia.

Baikanka 147. Presidente bara Presidente sekantka ba wahbi sakan kaia ba baha muna karnika alkaia ba wawahbra nani pramiska aihwa ba cuarenta por ciento kaia sa, ninka pali ba treinta y cinco por ciento wawahbra nani pramiska aihwa ba wal praki kiakanka ba cinco punto baman luan sa, kli wahbisakanka ra diman kaia sip sa Ta pali bara ninka pali nani baman kabia ya pura lubia ba kuintri aiska lalka kabia.

Presidente bara Presidente sekantka ban kra kli ai ninara taubia sa kaka, suakwanka prahni taka ba mita, wina tara patka mita, wahbi sakaia piua nanira sip apia kabia sa kaka ani daknika wina saba, sip sa upla wala watlika ra mankaia.

Presidente bara Presidente sekantka kaia ba naku daukanka nani bri kaia sa:

- 1) Nicaragua wina kaia sa. Kuntri wala wina takan sa kaka kau mani nani wal wal kainara dakwi takan kaia sa.
- 2) Tawan uplika baku, pulitik baku ai rait nani wal iwi kaia sa.
- 3) Ai manka ba yawan aiska pura kum mani bri kaiasa.
- 4) Mani nani wal wal liksan kainara kuntri bilara iwi kaia sa. Baha bilkara nisan walara blikan uplika kum kaia, nisan wala wal wark takan kaia, sins laka sim kuntri walara diman kaia sa.

Sip apia kabia Presidente baku wahbi sakaia, Presidente sekantka kat sim apia.

- a) Presidente watla bilara wark takan kaka pua kum ra, liksan pua kum wina pua walara, Presidentes nani luan pua ra takan kabia sim.
- b) Presidente sekantka apia kaka watlikara aimakaia winan sa kaka, bankra wark kum kra brikan president watlara, apia kaka kati nani matawalsip pura wal liksan aula ba kainara.
- c) Uplika taika aihwa nani ba baku sim maya taika nani kabia sim president aimakikan kan piuara wark brikan kaka liksan aula ba kainara kabia.
- d) Gabamint batakaia mapababura kum kan, lalka kum kan, La aiska ba mapara ba tilara gabamint lalka tara nani sim tilara kan nani ba.
- e) Serts nani napakanka, ban sakuna sip kabia wahbi sakan kaia witinka kati nani matawalsip liksan kainara ai warkka ba wina dakwi takbia sa kaka.
- f) Naha uplika nani ba: Asamblea aiska lalka tara ba, Ministro, Ministro sekantka ba, gabamint wal wark taki nani ba. Magistrado, la nani wapni dauki uplika ba. Consejo Supremo Electoral, Liksantara daukaia ta bri uplika ba. Consejo Superior de la Controlaria General de la Republica, gabamint bisniska aiska pali taura aimaki brih impaki uplika ba, el Pro-

curador y Subprocurador General de Justicia, karnika aiska pali briba upla nani tawan aimaki uplika ba, el Procurador y Sub-procurador para la Defensa de los Derechos Humanos, karnika aiska pali briba upla nani raitka tawan ai, maki uplika ba, el Fiscal General de la Republica, gabamint bisniska, dukia nani pura kaiki yamni brih impaki uplika ba. Y el Fiscal General Adjunto de la Republica, gabamint bisniska nani ta baiki uplika ba. Alkaldi nani taka uplikaba. Ban sakuna witin nani sip kabia wahbi sakan kaia, kati nani matawalsip liksan kainara ai warkka taki ba wina dakwi takbia sa kaka.

g) Takaskaia, dinki tikaia

Baikanka 148. Presidente bara Presidente sekantka ba wal sut ai warkkara mankan kabia Asamblea lalka tara ba mawanra paiwanka bak sakan natka kum daukbia baha aidrubanka tilara Asamblea lalka tara ba mawanra ai pramiska nani ba daukan kabia.

Presiente bara Presidente sekantka ba mani nani matsip dukiara baman wahbi sakisa, siakwa kati yua nani matawalsip ra mani luan ra wahbi sakan kata ba. Naha yua nanira ai wark nani sut ba daukan kabia.

Baikanka 149. Kunrti Presidente ba sip tasba walara impakan kaia paiwanka kum dukiara yua nani matawalsip pura matsip baman dukiara sa kaka sip sa ban waia, kuna yua nani matawalsip pura matsip pura apia kaka kati kumi ninkara sa kaka Asamblea wina

adar aihwa kumi bri kaia sa, baha piuma ra Presidente sekantka ba ai watlikara aimakan kabia.

Witin ba ai warkka lulki suin baku kulkan kabia Presidente ba kuntri wina taki wabia Asamblea adarka luha ani piuma kat sip a adar luha taki waia, kuna baha adarka ba wina kau pura luki takaskan sa kaka witin ba ai warkka lulki suin baku kulkan kabia.

Ban kra Presidente piuma kunku kuntri wina takan sa kaka, Presidente sekantka ba sip anira takras Asamblea adarka luha, adar apu ani kumra taki wabia sa kaka witin ba ai warkka lulki suin baku kulkan kabia.

Presidente sekantka ba kuntri ra api asa kaka , baku sim kuntri Presidente ka ba wan tasbaya wina taki waia sa kaka ai warkka ba Ministro kum sakan bara lakan kabia La ra ulban ba baku.

Natka kumira sim kuntri Presidente ba wan tasbaya wina takan kabia apia, La krian ba kau wapni takras ba mita.

Kuntri Presidente ka kawanka piuma prahni nani ba:

- 1) Yua nani matawalsip pura matsip wan tasbaya wina taki wan.
- 2) Piuma prahnira ai wina tara ba sip ayawi taukras ai warkka daukaia, baku bamna Asamblea mita paramka ba win sa baku sim aitani kulkan sa Diputados nani aihkika ba mita.

Baikanka nanara wan mariki ba baku kuntri Presidente baku sekantka ba sim, ban kaiara ai warkaka wina dakwi takan kabia ba:

- a) Pruan ba mita.
- b) wark ba suiaya win bara Asamblea ba aitani lukan.
- c) Ban kaia ra kahwa takan sa win Asamblea aiska ba mita purkara Diputados nani aihkika ba aitani kulkan.

Piua prahnira Presidente ba wina tara ba sip ayawi taukras taka ba mita, Presidente sekantka ba wark aiska ba ai mitara brin kabia.

Baku sim Presidente ai sekantka wal sut piua prahnira ai wina tara nani ba sip ayawi taukras sa kaka, Asamblea lalka tara ba wark aiska ba ai mitara alkan kabia, witin ai watlika ra Asamblea sikanka taura ba sim Asamblea aiska ba piua prahni ra ai mihta ra alkan kabia.

Kuntri Presidente ka ba ban kaia ra ai warkka wina dakwi takan sa kaka, Presidente sekantka ba wark aiska ba ai mihta ra yaban kabia, Asamblea aiska ba mita Presidente sekantka wala kum bak sakan kabia.

Presidente sikanka ba ban kaia ra ai warkka wina dakwi takan sa kaka, Asamblea aiska mita watlika ra wala kum bak sakan kabia.

Kuntri Presidente ka ai sekantka wal sut ban kaia ra kli sip wark takbia apia sa kaka Asamblea aiska lalka tara ba wirika aiska ba alkan kabia, baku sim Asamblea aiska mita upla wala nina dinkan kabia sesenta y dos awar nani ninkara, baku mika baha uplika wahbi sakan ba piua kau bara takaskan ba tnata prakan kabia.

Dia nani takan marikan ba, Asamblea aiska mita ai daknika uplika nani saki watlikara mankan kabia.

Baikanka 150. Kuntri lalka tara ba dia wirika nani ai pahpayara briba:

- 1) Pulitik laka nani aiska kulkan kaba baku sim kuntri aiska laka nani ba aiska pali daukan kabia, baku sim wark upilka nani ai mina muntara banwi ba sim baku daukan kabia.
- 2) Wan kuntrika tawan aimakaia.
- 3) La nani paskaia ta briaya, mapara lulkaia, naiwa yua laka nanira ulban ba baku.
- 4) Aisi wiaya aitani win tanka ba, La nani brih impaki ba ta briaya.
- 5) La raya nani ulbi saki ba ridi daukaya, nahki lalah nani dimaia ba, tiki kaia kulki sakanka ba Asamblea aiskara kahbaia, aita-ni kulkankaia mata baku sim upla sut ra maisa pakaia.
- 6) Gabamint bilara Ministros bara sekantka nani ba nina makaia kli sim diki sakaia, Procurador ai sikanka wal sim, ta uplika wala nani sut sim gabamint bilara wark taki nani ba, kuntri wala wina ta uplika wan tasbayara blikan uplika nani, Asamblea aiska ra marikaia, yua pompa bilkara wal La daukan wauhkayaba mihtara lakaia Asamblea aiska mita kli karnika yaya.

Gabamint warka uplika nani pliska wina sakaia ba, Asamblea aiska mita kumi babni warkka tanka kat pliki mankan kaia win ba.

- 7) Asamblea lalka tara ra makabaia winanka istikira kumi daukankaia aisikaikanka kum baltakan Asamblea danika ba winka puhbaia pua ra sa ban sakuna La kum istikira laki kai kaia sa.
- 8) Gabamint kuntri wala nani aikuki ai tanka bri ba, ta briaia, aisi kaikaia, yua tara daukaia, triti laka nani, wal la daukanka sain munaia, baku sin Baikanka 138 inciso 12 Constitucion Politikara wan mariki ba baku, Asamblea ba mita aitani kulkan kaia sa.
- 9) Ulbi saki kli karnika yaya raitka bara kankahbi laka nani ba, Constitucion Politica ba kainara pat laki kaikan ba, baku sim ulbanka ba Asamblea Nacional ra blikan kabia, sesenta y dos awar nani kainara, aitani kulkan kaia mata, wapni daukaia apia kaka kli tnayara lakaia.
- 10) La nani baku kulki briaia laka nani ba pia kum mankisa sesenta yua nani luaia apia.
- 11) Adar nani paskaia pain kulkan laka kumi wala wal baku kaia apia wan tasbaya natkaba kat.
- 12) Gabamint ba asla daki ta briaya.

- 13) Kuntri pawanka ba ta briaya, nahki bri impakaia upla bangwika lalah pawanka ba wal.

Consejo Nacional kum paskaia dia daukaia lukiba ulbi sakaia lalah bara upla iwanka dikiara, pulitik tani wina, baha Consejo k aba, campani nani wark tatakkra, asla wark dauki nani, bakahnu iwi nani baku dakni wala nani sut, Kuntri aiska lalka tara ba mita marikan kabia.

- 14) Asamblea ra La kum kahbisa gabamint bilara lalka tara nani, sekantka nani sim wahbi sakan kaia. La dadaukra tara ai ninka wal ai sikanka wal, Corte Suprema de Justicia, liksan purara daknika, kuntri purakaikanka aiska, Bank ta brabrira nani an ninka wa ka ai sikanka wal, Apis wala nani lalah lain kara ai warka dauki banwi nani sut ba, Kuntri layarka aiska an kuntri i layarka ninka wal.

- 15) Asamblea aiskara kahbaia Ai wina tara pali wal apia kaka ai sikanka bak mani aiska informe ka ba, informe wala nani baku sin lukanka wala nani.

- 16) La nani wapni dauki daknika nanira ta baikan ka aiska yabisa ai pua nani aiska sut yabai takaskra kira kaia.

- 17) Wala kulkanka yabia naha La ka nani ba.

Baikanka 151. Asla dauki daknika kabamint daknika lalka, klauna iwi danika, gabamint bank ka nani, dakni wala nani gabamint wal

lalah tanira wark dauki ba La wal laki kaikbia, Ministros bara se-kantka nani yamni kulkan kan ba.

Kuntri lalka tara ba mita aitani win ba bara kainara kaiki ba wal ministerio nani sain munan kabia kumi bani ai tnauka ba kat wark daukaia adarka ba yabaia, apia kaka dakbi sakaia adarka, Gabamint Ministros baku sim sikanka nani sut.

Kupia kraukanka ta ka nani ba, kuntri aiska lalka tara ba mita ta brin kabia, ai kahwanka ba Presidente sikanka ba mita, kupia krakraukra Ministro kaba diman kabia, kuntri Presidente sekantka bak gabamint ministros ka nani sim, ai warka dauki nani La dauki nani daknika ba mita pura kaiki kabia.

Gabamint ka nani bara Ministros sekantka nani, upla wal wark taki daknika nani ba witin nani ai purara sa aitani lukan dukia nani ba kuntri lalka tara ba wal sain munan kabia apia kaka gabamint ministros ka nani kum wal.

Kabamint daknika lalka an ninka wal dakni nani klauna kunrti bila wark dauki lalka tara nani sut ba Asamble Nacional dia makabia ba kumi bani ai warkka nani dauki ba dahra ulbi lakan kabia apia kaka ai bila aisin ka bak sim sipsa daukaia.

Baikanka 152. Kabamint daknika lalka an ninka wal, klauna kuntri bilara wark dauki lalka tara ba, gabamint daknika wina, blikan uplika, suldahwa lalka tara kaia ba, tawan bilara kan kakahbra lalka tara kaia ba, daukanka nani naku kaia sa:

- 1) Kuntri luhpika kaia sa, kuntri wala luhpika takan sa kaka, wark adarka kau yaras kainara mani nani walh wal kainara dakwi takan kaia sa.
- 2) Politik baku, tawan uplika baku ai rait ka bri kaia sa.
- 3) Mani nani matsip alkan kaia sa.
- 4) Wark adarka yaya piuara mani nani walh wal kuntri bilara iwi kaia sa, baha yua nani ra sim Diplumatica baku, Internacional daknika aikuki wark takan kaia sa, kuntri walara sim kul siman kaia sa.

Sip apia kabia kabamint daknika lalka, klauna kuntri bilara, klauna kuntri bilara wark dauki lalka tara nani ba, gabamint daknika wina, blikan uplika kum sim.

- a) Suldahwa nani wark taki nani ba.
- b) upla kum wark wal dauki ba gabamint warkka tilara.
- c) diara kum wina takaskan ba.
- d) Baha nani upla wina lahla wahban, municipal ninara sim tanis munan ba.
- e) Ai lalmana aibapras uplika ba.
- f) Baikanka 130 bara piska matsiph pura kum ba tanka bri sa kaka, La ulbankara kaiki ba baku.

Baikanka 153. Ministros, ministros nani sekantka, klauna kuntri bilara wark dauki lalka tara nani ba, gabamint daknika wina sim, ai daukanka kasak munaia ba, ai kupia kumi kaia, La asla daukan ba bara La nani sut sim.

Dakbanka IV

Gabamint bisniska nani pura kaiki ba

Baikanka 154. Kuntri purakaikanka aiska maki ba maki ba, dakni kum tara karnika uya bri sa, Gabmint bisniska aiska ba pura kaikaia, wapni brih impakaia. Naha daknika uplika nani ba upla matsip ni asla daukansa, baku sim sekantka nani yumpa, Asamblea daknika mita wahbi sakan kabia, mani nani matsip dukia ra baman kabia. Baku sim sekantka nani wahbi sakanba, warkka uplika nani aihwa ba pua prahni ra ai warkka wina takan sa kaka, ba pua katra baman makaban kabia watlikara aimakaia.

Baikanka 155. La Contraloria General de la Republica daukan kaia ba:

- 1) Wapni brih waia daukanka paskaia, baku natkara gabamint lalah ka ba pirraskira tanka yamni kat yus munaia.
- 2) Gabamint warkka nani daukaia lalhka ba, wapni alki brih waia.

- 3) Gabamint mita lalah nani yanba wark daukaia, tawan bila ra, campani nani, yakan ai warkka dauki ba, tawan lalhka wal tabaiki ba pura kaikaia, laki kaiki kaia wapni tanka kat barih impaia mata.

Baikanka 156. La Contraloria General de la Republica ba dakni kum yakan tnayara ai warkka dauki sa, diara muki man dauki ba sika La ra ulban dukia nani baku sim La nani ba alki daukaia, witin nani aimankara pura kaikaia warkka ba dauki sa, baku sim Asamblea aiska mita karmita yabia wark nani sut ba pura laki kaikaia,

Kuntri apiska kum gabamint bisniska pura kakaira ba, ai warka nani dauki ba, tawan mawanra kahban kabia, baku sim witin nani mita la krikan banwikara taiban kabia, sabi tanka plaplikra nani ba Tribunal de Justia apiskara blikan kabia la luan nani ba turbi kaikaia, la kasa-kka ba dauki sa sapa kaikaia, daukras nani ba pura baikaia.

Consejo Superior de la Contraloria General de la Republica ai Presidete bara sekantka nani ba ai manka tilara aihkika mita wahbi sakan kabia, mani kum dukiara. Presidente consejo ka ba apia kra ya wala kum taura mankan kabia ba mita dia takan dahra ba Asamblea Nacional ra maisapakan kabia mani bani, makaban sa piuara, naha daukan kaia ba Presidente mita api asa kaka ya wala taura mankan ba mita.

Baikanka 157. Kuntri purakaikanka aiska ka ba asla takanka ai ba, nahkini aiwakka daukaia ba La ba mita wapnika daukan kabia.

Dakbanka V

La nani wapni daiki ba

Baikanka 158. Kasak tanka kaia ba tawan uplika wina aula ba, witin ai ninara daukan kabia la dadaukra karnika linstarka mita, La nani wapni dauki daknika ba mita baku sim La nani kahban kabia.

Baikanka 159. La nani wapni barih impakaia daknika ba, natka sat kumi man daukan kabia baha sika lalka tara ba a dadaukra purara daknika ba, kuntri aiska dukiara kulki kaikan ba wina 100 winah 4 brin kabia, la dadaukra daknika Nanih, wihta nani tawan baikanka nani ba, ai tawanka bila ka ba, baha daknika nani bara ai warka takra nani na La ba mita win kabia.

Wala nani pura karnika alki ba, La dadaukra nani ba La nani wapni dauki danika ba mita, suldahwa nani laka wapni bri impaki taka nani ba, ai kawan nani, suapnika nani ba witin nani ai laka kat daukan kabia, la dadaukra purara daknika Nanih laka suhkras kira dia wala nani sut sim.

Baikanka 160. La kasak ba barih impakaia ai bila aisinka kasak ba wal ta pali wina, baku sim kakahbi ta baikaia upla nani rait La ra ulban ba tanka kata ai bisniska nani ba wal.

Baikanka 161. Upla laka nani pura kaiki ba, La iwaikara, naku kaia sa:

- 1) Kuntri luhpika kaia sa, kuntri wala luhpika takan sa kaka, wark adarka kau yaras kainara mani nani walh wal kainara dakwi takan kaia sa.

- 2) Layar kaia, mani nani matawalsip baku pat Layar warkka daukan kaia sa, apia kra Magistrado baku mani nani matsip takan kaia, baku sim, Magistrado de la Corte Suprema ra sip kaia wark takaia
- 3) Tawan uplika baku, pulitik baku ai rait nani wal iwi ai lilyaka kaia sa.
- 4) Mani nani treinta cinco pat alkan kaia sa, sesenta y cinco wina kau purara lika apia liksan yua pali ba kat.
- 5) Layar baku alkitakanka apu kaia, ai ulbanka nani sut sim wapni kaia.
- 6) Suldahwa warkka dauki kaia apia, ban kra kati wal baku dakwi takan kabia.
- 7) Mani nani walh wal liksan kainara kuntri bilara iwi kaia sa. Baha bilkara nisan walara blikan uplika kum kaia, nisan wala wal wark takan kaia, sins laka sim kuntri walara diman kaia sa.

Baikanka 162. La nani pura kaiki daknika ba, bara La nani wapni dauki ba daknika sim, mani nani matsip baman piua nani dukiara wahbi sakan kabia. Diara kumi mita baman ai warka wina dakbi sakan kabia ba, La paskan ka daknika tara ba mita maisapakbia apia kaka La ba mita baman. Baku apia sa kaka aitani kulkan laka ba witin nani wal kabia.

Baikanka 163. La nani pura kakairika kau tara pali ba, La wapni dauki dauki danika ba ai aslika ba matawalpsip pura matlalkahbi la dadaukra tara nani wahbi sakan kabia Asamblea aiska ba mita.

La nani pura kakairika kau tara pali ba, La daukaia pliskara diman kabia, asla takanka ba witin nani aimankara ai tanka brin kabia, La ra dia ulban ba kat, wapni daukan kabia, La dauki bara kakaira takbia, La nani tanka aiska ba sim, blahwan nani sut ba La uplika nani kumi bani ai karnika bri banwi bara lakan kabia. Asamblea aiska mita la dadaukra tara kumi banira wihta nani yan kabia, naha wihtika nani ba sip kabkia La nani dauki ba tilara dimaia, La dauki pliskara sim kaia, bankra magistrados nani da balra sa kaka.

La dadaukra tara nani ba sim, ai warkka nanira dimaia ba Asamblea aiska mawanra pramis takan kabia, witin nani ai manka taki Presidente bara sekantka ba sim sakan kabia, mani kum dukiara baman, ninkara sip sa kli wahbi sakaia.

Baikanka 164. La nani pura kakairika tara pali ba, daukanka nani naku kaia sa:

- 1) Kasaka laka tanka pura kaikaira ba mita asla dauki pura kaiki kabia
- 2) Ta baikanka sirpi, tara nani ba kakaira taki wapnika daukaia kuntri laka wapni dauki nanira lakan kabia, La ulbankara nahki daukaia win ba kat.

- 3) Kakaira taki wapni daukaia upla raitka laka krikan nani ba kankahbaia, La wauhkata ulban ba baku, baku sim kankahbaia lakara ulban ba baku.
- 4) Kakaira taki wapni daukaia La kasak kat apia laka nani ba.
- 5) Nina mankaia baku sim sakaia voto nani aitani sakbia ba wal, magistrados nani la wapni brih impaki daknika ba mita.
- 6) Upla kum Kuntri kum wina kli blikan, ai tasbayara dinkaia apia win makabanka ba wapni daukaia.
- 7) Nina mankaia baku sim sakaia sipsa Layar nani, kuntri wala daktarka nani, kuntri aiskara utla tara nani, bisnis dauki
- 8) Layar nani ra karnika yaya, layar baku ai warkka daukaia, la ulbanka aulbra nani, baku sim sip sa kli waqrka wina sakaia, kli tabaikaia la ra ulban ba baku.
- 9) Kuntri wala tribunal ka mita patkira kulkan ba, ta baikan kaia sa.
- 10) Kakaira taki wapni daukaia, pura kaikras daknika nani ai tilara blahwan bri ba, upla banwika tilara, baku sim ban tnyara banwi ba.
- 11) Kakaira taki wapni daukaia, blahwanka nani takbia sa kaka, municipal tilara, gabamint daknika nani tilara sim.
- 12) Kakaira taki wapni daukaia, purara karnika alki nani tilara blahwan tabia sa kaka.

- 13) Kakaira taki wapni daukaia, asla daukan laka blahwanka nani, gabamint lilkapas wihki municipal nani kus klauna iwanka aikuki.
- 14) Bila kat laka nani ulbi sakaia ai uplika nani wahbi sakaia ya mina muntara kaia ba.
- 15) Daukanka wala nani ba constitución laka mita daukbia, baku La nani mita sim.

Baikanka 165. La dadaukra tara nani bara wihta nani ai warkka dauki piuara witin nani ai manka dauki sa, constitución ulbanka ba bara La wauhkatayara ulban ba wal, asla laka ba taura bri sa, upla sut ra maisapakaia, param ulbi sakaia ai raitka kankahbi, Nicaragua ra La kasak daukaia ba mana luha sa.

Baikanka 166. Kasaka laka pura kakairikaba, asla takbia, ai warkaka daukbia upla bangwika aikuki, La nani ba mita daukan kabia, Tribunales de Justicia uplika nani ba, Layar kaia, apia sin wal baku karnika bri kaia, ai warka daukbia piuara.

Baikanka 167. La mitara mankaia baku sim wapnika sakaia La wapni barih impaki daknika ba, wihta nani sut ba pura wihtika nani bila wali dauki sa, dakni wala nani, bara upla aihwa nani, sut raitka ra lika taiban sa.

Dakbanka VI

Liksan karnika ba

Baikanka 168. Liksan karnika ba, asla takan daknika mita ra sa, ta bri nani baku sim liksan nani pura kaiki ba, upla kuhbi bri turbi wali ba nani ba.

Baikanka 169 Liksan karnika ba, asla dinkan Consejo Supremo Electoral mita baku sim dakni sirpi wala nani leksara tabaiki nani ba.

Baikanka 170. Kupia krakraukra wahbi sasakra purara karnika tara bri daknika ba matlalkahbi pura kumi banwisa ninkara sekan-tka yumpa sa, Asamblea aiska ba mita wahbi sakan sa, witin nani sip yaba tanka kat kulkanka 8) Baikanka 138 ba wina.

Kupia krakraukra wahbi sasakra purara karnika tara bri daknika ba ai manka tilaraPresidente baku sim sekantka wahbi sakan kabia, mani kum dukiara baman ninkara sip kabia kli baku daukan kaia.

Baikanka 171. Magistrado del Cosejo Supremo Eletoral kaia daukanak nani naha sa:

- 1) Kuntri luhpika kaia sa, kuntri wala luhpika takan sa kaka, wark adarka kau yaras ra mani nani walh wal kainara dakwi takan kaia sa.

- 2) Tawan uplika baku, pulitik baku ai rait nani wal iwi ai lilyaka kaia sa.
- 3) Mani nani treinta pat alkan kaia sa, sesenta y cinco wina kau purara lika apia liksan yua pali ba kat.
- 4) Mani nani walh wal liksan kainara kuntri bilara iwi kaia sa. Baha bilkara nisan walara blikan uplika kum kaia, nisan wala wal wark takan kaia, sins laka sim kuntri walara diman kaia sa.

La dadaukra tara liksan purara daknika kaia sip apia daukanka nani ba naha sa:

- a) Taika nani ba baku sim maya taika nani kabia sim President bara sekantka aimakaia lukikan ba, ban kra pat wahbi sakan sa kaka, liksan kainara Presidenta nani wahbi kan piuara, blakanka tilara kabia, baha ba mita kanra yamni sa tila dimaia apia, wahbi sakaia piua balbia sut ra.
- b) Liksan piua tilara wark kum dauki sa apia kaka wahbi sakaia tilara sa kaka.
- c) Gabamint warka uplika sa kaka, baku sim gabamint lalah ka wina ai mana bri sa kaka, municipal wina kra, skul kum wina apia kra sika tani wina.
- d) Suldahwa baku wark taki sa kaka, kau kati wal kainara dakwi takras sa kaka.

e) Tnayara lakan ba.

Baikanka 172. Magistrados del Consejo Supremo Electoral nani ba, ai watlikara mankan piua ba wina mani nani matsip bilkara yamni kulkan ba brin kabia.

Baikanka 173. Consejo Supremo Electoral ai karnika briba naku sa:

- 1) Liksan nani ba asla dauki ta bri kaia upla nani ba kuhbi bri turbi wali daukaia. La wauhkatayara ulban ba, baku sim La pali ra marikiba baku.
- 2) Pura kaiki daknika uplika nani ba nina mankaia, wahbi sasa-kra nani laka ulbanka ba kat.
- 3) Piua taim ka nani ulbi daukaia liksan ta briaia dukiara.
- 4) Dia sip bara dukiaba dinkaia la baku liksan nahki dauki waia ba.

Baku sim aiwahki kaikaia kasak tanka daukan kaia mata, wahbi sakaia nina mankanba liksan nani asla prakanka ba, baku sim Municipal liksanka. Municipal wahbi sakaia ba, Alcalde bara sekantka baku sim Consejal naha uplka nani ba mani nani walh wal tawanra iwi kaia, apia kra wark taki kaia liksan kainara, kunrti walara linkstar blikan kaia, kuntri walara sim skul diman kaia, diara wala makabi ba, ani tawankara wahbi sakai ba tasbaya ra mani nani wal iwi kaia sa.

- 5) Kakaira taki wapnika daukaia las minit kat liksan daukaia ta bri danika ba la nani dinkan ba, taibi makabanka, warbanka dauki nani ba pulitik daknika nani mita.
- 6) Aisi wiaia kupia kumi lakara kan kahbi nani La ba wal liksan daukaia wapanka ba, kan kahbaia yaya.
- 7) Dusa kuhbaia dakni bani ai natka ba kat kan kahbaia pulitik daknika nani liksanra dimi nani ba.
- 8) Turbi kaikanka daukaia liksan ra ai voto ka dinkan nani ba, turbi walan ka, makibi walanka baku sim dia takan ba param sakaia.
- 9) Ai manka tilara ai laka nani mankan kabia.
- 10) Witinra ai tabaikiba asla daukaia, upla nani nina manki apiska tara ba, Cedula apiska, electoral kankabiba.
- 11) Partidos políticos nani baku karnika wauhkataya yabaia baha daknika nani La dia makabiba dukia nani sut ai mihtara bri ba.
- 12) Politik daknika Nanih nani baku karnika wauhkataya ba yaya apia, ban kra 100 winah 4 upla voto ka aihwa liksan wina sakras sa kaka, prakan apia kaka takaskan baku kra kainara takan la ba baku alki brisa.
- 13) Pura kaikaia, wapni daukaia blahwanka nani bara ba politik daknika uplika nani lukanka dakni ba kau kasak aihwa sa,

daukanka mapara la aihwa tanira, kau pali aisi bangwiba politik nani ai laka nani bapan.

14) Wala nani kasak luki ba Constitucion ra bara La nani ra sim.

Baikanka 174. Upla nani laka pura kakairika nani ba, Consejo Supremo Electoral ta ka nani ba, baku sim sekantka nani sut kira Asamble aiska mawanra ai pramiska nani daukan kabia.

Lalka tara ba IX

Pulitik baikanka pura kaiki ba

Dakbanka I

Municipios nani wina

Baikanka 175. Wan kuntri na baiki sakan kabia ai manka ta briaia mata, manka baiki sakan ka kum, walaba klauna iwanka tasbaya lalma tanira ba, municipios nani sim. La nani ba ai nit kaba kat daukan kabia, yahpika, an pali ba, asla takanka, paskanka, nahki brih impakaia ba tawan nit ka ba kat

Baikanka 176. Municipio ba aslika kumi sa munta palkanka pulitik baikanka tani wina pura kaiki yamni brih impakaia kuntri bilara.

Baikanka 177. Municipios nani ba klauna iwanka ta brih impakiba pulitik bara lalah tanira sim. Baku sim pura kaiki yamni brih impaki ba bara gabamint nani ba municipal purara karnika bri kabia

Klauna iwanka ba dakbi sakras, kainara sim aimakras, La nani brih impaki daknika ba mita, karnika wala nani gabamint tilara ba sim, ai bisniska sa, municipio nani ai mihtara briba. Baku sim taibi muni sa manka sirpi aihwa kum sakan kabia kuntri aiska kulkikaikanka lalah ka ba wina, municipios sutra ta baikanka yaban kaia, ani nani ba kau lalah tanira mayara ba. Manka sirpikaba yaya La ba mita kulki kaikan kabia.

Klauna iwanka ba Municipio laka mununtara wakan kabia, Diputados nani ai voto ka kasak aihwa ba wal aitani kulkan kaia ba.

Municipal gabamint ka nani ba kumi wala wal manki kaikaia, lalah bara pawanka nani tanira, rits ka nani sat sat bri ba ai tasbaya bilara, Gabamint tara ba makabia baku sim municipal gabamint ka nani lukanka ba rispik munbia, kau aitani wiras bara.

Municipios laka nanira diara wala nani sim prahkan kabia, municipal wala wal manki kaikaia, centarl gabamint ka wal aitanka briaia ba , yapti masraka uplika nani wan tasbaya iwi nani ba wal, gabamint tilara karnika tara alki bri nani sut ba wal baku sim wan tila kat dakni wala aikuki wilkaia.

Baikanka 178. Alcalde, Alcalde sekantka baku sim Concejales nani ba, tawan uplika mita wahbi sakan kabia, tasba walara dauki ba baku, wal baku natka, wapni laka, taibi munras laka, dahra prakan ra, La ra ulban ba baku. Alcalde ai sekantka wal ba wahbi sakan kabia voto kau ailal sakbia ba. Consejales nani ba sim wahbi sakan kabia voto nani taura sakan kata ba kulkan nani ba wal. Alcalde bara sekantka wal ba kli mankaia sa kaka piua alkan ninkara kli bilak sip mankras.

Alcalde kaia daukan ka naku sa:

- 1) Nicaragua wina kaia sa.
- 2) Tawan uplika baku, pulitik baku ai rait nani wal iwi kaia sa.
- 3) Ai manka ba 21 mani bri kaiasa.

- 4) Municipal ra ai karnika bri kabia ba mani nani walh wal baman. Consejo Supremo Electoral mawanra ai warkka ra di-man kabia.
- 5) Alcalde baku wahbi sakan kabia apia, Gabamint ra Ministros bara Ministros secantka nani kan ba, ban sip kabia witin nani kainara ai warkka ba wina dakwi takan kaka, kati nani matawalsip pura wal liksan kainara.

Consejales nani, Alcalde bara Alcalde sekantka, naha taka mita baman ai warkka wina dakwi takan kaia ba:

- a) Warkaka wina sakan.
- b) Pruan ba mita.
- c) La krikan taka mita patkira kulkan, sip pri laka yaras diara kumi sim daukaia, witin smalki kli wapni sakaia smalkanka tilara brisa pua prahni apia kra kau pua yari.
- d) Ai warkka lulki suin sesenta yua nani.
- e) La kulkras taka mita, Baikanka 130 Cn piska yumpara ulban-ba baku.
- f) Ai lalmana aibapras taka mita.
- g) Pura baikan Alcalde lalahka nani natka yamnira yus munra kan, Contraloria General de la Republika mita turbi sakan taka mita.

Takan nani incisos d) bara e) Consejo Municipal mita tanka param sakan kabia Alcalde ba apia kaka cosejal ba kahwanka brikan baha takaba mita kainara nahki kanba lus tiwan sa.

Baha wapni daukanka, la daukan ulbanka ba, kulkanka wala nani ra mankan ba baku, baha ba blikan kabia Consejo Supremo Electoral ra, nina ba lakan kabia alcalde sekantka watlikara wala mankaia ba, baha sim Alcalde pali ba, Consejal nani wahbi sakan nani kra, alcalde sekantka ba watlikara mankan ninkara, param sakaia tankaba makaban kabia.

Liksan purara daknika ba yua nani matawalsip pura matsip kainara, La tanka ba kat ai warkka nanira mankan kabia.

Putka tasbaika kabamint uplika nani ra klaskansa municipal biskara wark takaia, baku sim piaia tanira La bamita alki bri kabia.

Baikanka 179. Estado ba mita pawanka laka bara tilara kli dimaia ba bukan kabia wan tasbaya baikanka Sutra.

Dakbanka II

Atlantik kabu ka lamara tawanka nani

Baikanka 180. Atlantik kabu ka lamara tawanka nani ba ai iwankara ai rait ka brisa pawanka tanira sim, upla banwika ai mankara iwaia ba, asla takan kum ta bri ba wal, klauna iwanka, ai dahra nani bara ai natka nani sut ba wal.

Kuntri paskanka ba kan kahbisa klauna iwi tawanka nani ra ai rits ka nani wal ai auya pah iubia, ai manka tilara iwanka ba natka kat, baku sim, pri lakara ai ta uplka nani ai linkstar ka nani wahbi saki kabia.

Baku sim ta baiki sa, ai natka nani, ai yapti tuisa ai sinka, kristian laka ba, baku sim ai dauka nani sut ba wal.

Baikanka 181. Kuntri paskanka ba mita asla daukan kabia La kum bakku klauna iwanka ba, yapti masraka kiamka nani sut kabu lamara tawanka nani ba, la wala nani sim brin kabia: Gabamint kum baku natka ba, ai iwanka la dadaukra karnika bara Legislativo baku sim, municipio nani ai rait ka nani pliki kaia. Baha lakaba aitani kulkaia kau wapni mankaia ninkara Laka nani ba la aihwa pali baku daukan kaia.

Adar wauhkataya nani bara wan rits ka nani sakaia laka nani sain muni ba, gabamint mita yabi sa klauna iwi tawanka nanira, aitani kulkan kaia ba klauna putka daknika ba mita.

Klauna putka daknika Atlantik kabu ka tani ra ba daknika uplika nani ba, nahkiba tankaba lus tiwan kaia, tanka ba nahki bri impakaia La ulbanka ba kat.

Lalka tara ba X

La asla daukanka kau purara ba, kau aihwa daukaia, la nani asla daukanka ba.

Dakbanka I

La asla daukan ka pulitik ka ba

Baikanka 182. La asla daukan pulitik ka wauhkataya ba plaika sa gabamint kum baku. La wala nani sut ba witin ai adarkara sa. Laka nani kum kum ba ai karnika apu sa, la kum sain munan ba, dia daukaia wina, kulkai laka nani, adar nani mankan ba, kau sip sa pupuhkaia.

Baikanka 183. Gabamint aiska karnika briba wina, karnika wala kau purara apu sa, gabamint daknika ninkara nani ba, lalka tara nani ba sim karnika wala apu sa, pulitik laka, baku sim kuntri aiska laka baku.

Baikanka 184. La asla daukan ba laka nani sa: Ta upla nani wahbi sakaia laka ba, Istikira bila kaikras dukia takiba laka ba, Yukuwaika laka ba, naha laka nani pua luras ban kabia, wan kuntri laka asla daukan pulitik ka bilara.

Baikanka 185. Kuntri aiska lalka tara ba mita Consejos de Ministros nani wal La kum ulbi sakan kabia, kuntri aiska dukiara apia

kaka wan tasbaya piska kum ra baman, nahki piua nani kat, ani piua kat nani kat kabia, wan raitka bara kan kahbi laka ba dakban kabia. Wan kuntri ka baku makabia kaka, wan tasbaya aiska ai-hwaki kaiki kaia mata, bamna sim apia lalah tanira nahki kabia ba kuntri aiska kara sauki tikanka balbia sa kaka. Istikira bila kaikras dukia taki nani Laka ba ai natka kat brih lakan kabia.

Baikanka 186. Kuntri aiska lalka tara ba sip naha laka nani na dakbi sakbia apia, kankahbanka baku Baikanka nani ra pat bara yaba. Baikanka 23, 24, 25 numeral 3), 26 numeral 3), 27, 29, 33 numeral 2.1) tnata prakan numerales nani ba 3 bara 5), 34 numerales nani kulkras 2 bara8), 35, 36, 37, 38, 39, 40, 41, 42, 43, 44, 46, 47, 48, 50, 51, 56, 57, 59, 60, 61, 62, 63, 64, 65, 67, 68 primer parafo, 69, 70, 71, 72, 73, 74, 75, 76, 77, 78, 79, 80, 81, 82, 84, 85, 87, 89, 90, 91.

Dakbanka II

La asla daukanka alki briba

Baikanka 187. Tabaikanka kum bapansa constitución laka kat apia ba mapara, pulitik laka tara la nani bapanba mapara ba, baha ba tawan uplika mita aihka dakbi sakaia sipsa.

Baikanka 188. Tabaikanka kum bapansa Yukuwaika laka ba, baha nani ridi takan ba mapara, munaia laka daukanka sut apara, wark ta bri nani ba, karnika pura alki nani ba, gabamint warkka wala

nani tilara ba sim lakana krikbia kaka, apia kra raitka bara kankah-baia lakaba krikaia munbia sunu laka pulitik laka tara tilara kulkan ba.

Baikanka 189. Tabaikanka kum bapansa upla kum ai dukia daukanba marikaia, pri lakara, wina tara mapara bara pat apu lakara, laka krikansa kaka apia kaka pat ra dimaia muni ba.

Baikanka 190. Yukuwaika laka ba, bapanka ba, tabaikansa naha baikanka ulbankara.

Dakbanka III

La asla daukanka ba kau aihwa daukaia

Baikanka 191. Asamblea aiska ba karnika brisa pulitik laka tara tilara kulkan ba kaba kau aihwa daukaia, kakaira takaia baku sim wapni daukaia, baku natkara la nani sut pali kli aihwa daukan kabia.

Kuntri aiska lalka tara ba sipso ta krikaia, la aiska ba wina piska kum kau aihwa daukaia, sip sa sim Diputados nani baikanka yumpa taki daukaia.

La dadaukra nani ta krikaia sipa La aiska ba kau aihwa daukaia, Diputados nani ba bakriki pura kumi mita aitani kulkan kaia sip sa.

Baikanka 192. Ta krikanka kum bribia, La aiska ba wina piska kum ba aihwa daukan kaia ba, baikanka nani ra marikan kabia dia

tawan ba, bak sakan daknika kum blikbia tanka laki kaikaia, yua nani sesenta luaia apia, aihwa daukaia laka ulbanka ba brin kabia, ninkara la aihwa baku daukan kabia.

Ta kriakia La piska kum kau aihwa daukaia ba La dadaukra daknika wal ba mita.

Baikanka 193. Ta krikanka La aiska ba kau aihwa daukaia, ban baku ai taura brih wan kabia, baikanka kainara daukan ba baku.

Ta krikanka La aiska aihwa daukaia ba, aitani kulkan sa ninkara Asamblea aiskaba mita pua kum mankan kabia, Asamblea Nacional la paski alkanka ba wahbi sakan kaia, Asamblea aiska ba, ban pura kaiki kabia, la paski ulbanka raya manbia ba kat.

La paski ulbanka ba kau aitani kulkras, pulitik lalka tara raya ba, nanara bar aba kau ban ai karnika brisa

Baikanka 194. La aiska ba wina bakriki baman aitani kulkan kaia ba, la dadaukra nani voto kaba sesenta por ciento want kabia, La aiska sut ba kau aihwa daukaia aitanika kulkan kaia ba, la dadaukra nani wina umhpa winah wa want sa. Kuntri aiska lalka tara ba mita la kau aihwa daukaia wina piska kum baman dukiara mai-sapakankabia, bankra daukaia rait kaba takasbia sa kaka.

Baikanka 195. La nani aihwa pali baku daukaia ba, nahki brih impakaia ba constitución ba wina bakriki baman la dadaukra nani wal ba lukanka kaia.

Lalka tara ba XI

Piua kunhku tnata prakanka

Dakbanka unsak

Baikanka 196. Nanara kat La aiska daukan briba karnika bribia, Gaceta ra saki upla sut ra maisapakbia ba yua ba wina, baku sim tnayara lakan kabia kuntri aiska laka plamaika ba, wan raita ka nani ulbi sakanka ba, Nicaragua uplika nani kan kahbi yaba, la wala nani kra mapara bubia ba sim.

Baikanka 197. Nanara kat la aiska daukan briba, aiska pali param sakan kabia, wan kuntri tuisa aisanka ra sin lakan kabia, baku sim costa uplika nani tuisa aisan ka nani sutra lakan kabia param sin sakan kabia.

Baikanka 198. Pura kaikaira nani pat bara bangwiba ba, ai karnika sut ba ban brisa, Constitucion nanara bri mapara bubia apia, kau wapni daukras sa piuara.

Baikanka 199. Bak sakan nani La iwaikara iwi nani ba ai warkka ban dauki kabia naha laka na kau karnika bri ba piua kat. Kau la nani wapni dauki daknika lakras bara. Tilara diman nani ba wauhkataya yaya, bara nahki sim ai kainara brih waia ba , la ra dia mankan ba kat.

Yu bani dukiara sakan La iwaikara iwi nani ba, dia daukiba ban dauki kabia ta pali wina brih aula ba mapara apia kabia upla bangwika wina sakan ba, blasi wina dauki aula ba ban ai kainara brih wabia wan tasbaya aiskara, dia nit ka nani balbia ba.

Baikanka 200. Ban baku alki bri kabia nanara kat , wan tasbaia aiskara pura kakaira nani baiki sakan ba, kli maisapakbia ba kat la baku takbia ba kat.

Baikanka 201. Asamblea asika mawanra linstar nani sakan ba Siakwa kati 25 yuara 1990 mankara, witin nani ba watlikara mankan kabia, liksan purara daknika mita lih waitka kati 24 yua ra sim mankara, baku mika ai piua ba tnata alkan kabia, wahbi sakan kata Yahbra kati yua walh wal ra 1984 mankara, ai piua nani ba tnata alkan kabia Baikanka 136 Cn ulbanba baku.

Kuntri aiska lalka tara ba, ai sekantka wal Kuswa kati 25 yua 1990 mankara sakan ba, witin nani ba ai watlikara mankan kabia, Lih wainhka kati 25 yua ra sim mankara Presidente de la Asamblea Nacional mawanra, Yahbra kati yua walh wal 1984 mankara wahbi sakata ba, piua tnata alkan kabia Baikanka 148 Cn ra ulban ba baku.

La amka tabrinani winah bakusin liksan tabrarira satkanani wala ba ai warka pliskare kabia adar ka yabia taim kat la karnika ba wal ba ninkara wala raya la karnika wal monkan ai warka nanira iwankabia.

Baikanka 202. Pulitik laka tara ba sain munan kabia Presidente ba mita, baku sim linstar nani Asamblea mawanra, sain munan kabia ninkara Kuntri Aiska Lalka Tara ba sain munbaia. Pura aihwaki kaiki kabia, Asamblea Nacional ra, Kuntri aiska lalka tara ba pliskara, La kasak kat dauki ba pliskara, But muniba pura karnika alkiba pliskara,

Pulitik laka tara ba, Kumi bani ulban ka kasak aihwa pali ba kum brin kabia. Kunrti Aiska Lalka Tara ba mita wan tasbaya aiskara marikan kabia, Ulbanka nani kau tara ulbi sakiba kunrti aiska ra, bahak sakan kabia.

Asamblea aisikaikanka pliskara yan kata, Managua tasbayara. Diez y nueve yua Yahbra kati 1986 mankara, baha ba Baikanka nani kau wapni daukras ba dukiara sa, adar yan kan la nani kli aihwa daukiba tilara dimaia, adar VI Baikanka 20 Laka ba wina No.192, Wapni daukaia laka ba bakriki pitka Nicaragua Pulitik ka laka nani ba, aitani kulkan sa, Kuswa kati yua kumira 1985 mankara, Adar VI Bakanka 8 ba, La No. 330, Wapni daukaia laka ba bakriki pitka Nicaragua Pulitik ka laka nani ba, aitani kulkan sa, 18 yua Siakwa kati 2000 mankara, Baikanka 7 Laka ba wina No.520, Wapni daukaia laka ba bakriki pitka Nicaragua Pulitik ka laka nani ba, aitani kulkan sa, Kuswa kati 13 yua 2005 mankara, Gaceta ra sakan No. 35 Kuswa kati yua 18 sim mankara, la nani kli aihwa daukiba tilara naha nani laka dinkan kabia, Politik laka nani daukan bara:

- 1) Wapni daukan kabia Baikanka 201, ulbanka baikisikan ta paliba La mita aitani kulkan ba, Wapni daukaia laka ba, Lisan nani dukiara, Kuswa kati Yawan aiska kumi pura matsip yua ra 1990 mankara, aitani kulkan kata Siakwa kati 30 yua ra 1990 mankara, ulbisakan wauhkaika ra sakan kata, No. 46, Kakamuk kati matawalsip yua ra sim mankara
- 2) Wapni daukan kabia, Baikanka nani 1, 2, 4, 5, 26, 28, 33, 34, 42, 44, 51, 56, 68, 71, 92, 93, 94, 95, 96, 97, 99, 104, 105, 106, 107, 112, 113, 114, 121, 125, 130, 131, 132, 134, 136, 138, 140, 141, 142, 144, 145, 147, 148, 149, 150, 151, 152, 154, 155, 156, 159, 161, 162, 163, 164, 170, 171, 172, 173, 175, 176, 177, 178, 181, 185, baku sim nina wala yaban sa kaka Asamblea tilara dimi nani ba la dadaukra Nanih nani linstarka La No. 192 bilara briba Wapni daukaia laka ba bakriki pitka Nicaragua Pulitik ka laka nani ba, aitani kulkan sa, Kuswa kati yua taura 1995 mankara, Gaceta ra sakan No. 124 yua walh wal pasa tara katka sim mankara.
- 3) Wapni daukan kabia, Baikanka nani 10, 130, 133, 134, 138, 147, 150, 152, 154, 156, 161, 162, 163, 164, 170, 171, 173, bara 178 La bilara ba No. 130, La wapni daukaia laka ba bakriki pitka Nicaragua Pulitik ka laka nani ba aitani kulkan ba, Kuswa kati 18 yua taura 2000 mankara, la ubisikan wauhkataya ra sakan No. 13 Siakua kati yua 19 sim mankara.
- 4) Wapni daukanka nani Baikanka 138 La bilara briba No.490, Wapni daukaia laka ba bakriki pitka Baikanka138, inciso

- 12 La aiska daukanka aitani kulkan ba Li kati 15 yua 2004 mankara, Gaceta ra sakan No. 132 yua matlakahbi pura kumi pasa tara katka sim mankara.
- 5) Wapni daukanka nani Baikanka nani 138, 143 bara 150 La bilara briba No. 520, La wapni daukaia laka ba bakriki pitka Nicaragua Pulitik ka, aitani kulkan, Siakwa kati Matawalsip pura yumpa yua 2005 mankara, Gaceta ra sakan No. 35 Kuswa kati 18 yua sim mankara, wapni sakanka wal Gaceta ra sakan No.97 Lih mairin katka 23 yua 2008.
- 6) Wapni daukanka nani Baikanka 140, La bilara briba No. 521, La wapni daukaia laka ba bakriki, Baikanka140 Nicaragua Pulitik ka laka nani ba, aitani kulkan sa, yua matlakahbi pura kumi pasa tara katka sim mankara. Siakwa kati yua matawalsip pura yumpa 2005 mankara, Gaceta ra sakan No.35 Kuswa kati 18 yua sim mankara
- 7) Wapni daukanka Baikanka nani 68 bara 93, La bilara briba No. 527 La wapni daukaia laka ba bakriki pitka Nicaragua Pulitik ka, aitani kulkan, yua matawal sip pura matsip Kakamuk kati 2005 mankara, Gaceta ra sakan No. 68 Lih mairin katka yua matlalkahbi pura wal sim mankara, Gaceta ra sakan No. 68 Lih wainka kati matalalkahbi pura wal yuasim mankara.
- 8) Patra lakan No.52, aisi win la dadaukra daknika ba mita, ocho y treinta titan Wia kati 30 yua 2005 mankara param

wın ulban prahni wal sip dinkras, naku wisa: Gabamint aimaki bilkara 2002-2007, La wapni daukaia laka ra marikisa naha Baikankana dinkan kaia, pura luan kaia, kuntri bilara pulitik pulanka nani yumpa taura nani ba wal baku sin dakni wal kau aihkika ba, La nani wapni dauki ba, Gabamint ba tanka plikbia nahki wina kankahbaia asla dauki ba kupia kumi laka kaia.

Aitani aidara walaia wili kaia ulbanka baiki sakanka octavo Baikanka 141 la aiska pali daukan puliti kaba, Kuntri aiska lalka tara ba mita, baha ba Gaceta ra sakan kaia sa, nanara ulbi daukanba, ulbanka nani briba Nicaragua aiska ra laka nani daukan pulitik kaba, Ai laka kli wapni daukaia ra asla prakaaia.

Manawa tasbaya ra yasata, La nani daukan kli wapni mangkiba pliskara, yua nani 16 Wis katka 2010 mankara.

Rene Nunez Tellez,
Asamblea Nacional
Presidente kaba.

Alba Palacio Benavidez,
Aulbra sekantka Asamblea
Nacional ra ai warkka dauki ba.



www.asamblea.gob.ni